




ECA
OV.
NE







BIBLIOTECA
SEMINARIO V.
PORDENONE

B

B

BRA

XI-1



M. A N T O N I I
B R A G A D E N I.
I O. P A V L L I F I L I I.
P A T R I C I I V E N E T I.

D E H O M I N I S F E L I C I T A T E

Libri Sex:

V E L

D E R E R V M V A R I E T A T E L I B. I I.



D E R E P V B L I C A, E T L E G I B V S L I B. I V.

A D S E R E N I S S I M V M P R I N C I P E M,

A M P L I S S I M V M Q; S E N A T V M

V E N E T V M.



V E N E T I I S, *Apud Nicolaum Misserinum.*
C I D I O X C I V.



M. ANTONII
BRAGADENI
IO PAVLII
PATRICII VENETI
DE HOMINIS FELICITATE
Libri Sex

DE RERUM VARIETATE LIBRI
AD SERENISSIMUM PRINCIPEM
CHRISTIANUM SERRAVALLO
VENETI



V. VENETIIS, apud Rudolphum Maffei
MDCCCLXXIV

SERENISSIMO
P R I N C I P I
AMPLISSIMOQ; SENATVI
V E N E T O

M. A N T O N I V S B R A G A D E N V S .



HOMINEM, SERENISSIME
PRINCEPS PATRESQ;
AMPLISS. non sibi soli, sed
primum immortalī DEO, deinde
partim suis, partim patriæ natum
esse, ita sapientissimi quiq; philo-
sophi testantur; ut præcipuam
ortus eius partem, post Deum, patriam sibi vendi-
care vna & mente & voce consentiant. Parentes enim
id solum efficiunt, ut huiusce vitæ lucem aspiciamus,
patria vero, ut eandem omnibus commodis affluen-
tem traducamus; illi nos gignunt, hæc genitos susci-
pit, & quasi communis mater alit, instituit, tuetur, or-
nat, & ad felicitatem usq; perducit: ut merito in pa-
triam omnia vitæ studia collocare, eiq; actiones, cogi-
tationes, nostra deniq; omnia perpetuo consecrare de-
beamus. Quapropter ego florentissimam hanc Remp.,
quam iucundissimam mihi patriam singulari Dei mu-
nere concessam esse gaudeo, cum alteram quasi pa-

rentem, iam inde a primis annis, qua debui maxima pietate complexus sim, atq; ad eius cōmodum omnia mea consilia actionesque rerulerim; iamdiu maxime optaui meam in ipsam caritatem certo aliquo argumento patefacere. Itaque, vt Deo primum, mox patriæ, deniq; parentibus, mihiq; ipsi aliqua ratione satisfacerem; scientiarum optimarumque arrium studijs operam dedi, ac prius quidem ad eam philosophiæ partem, quæ rerum contemplatione continetur, postea vero ad alteram in actione positam, ad philosophiam, inquam, de moribus, & ad civilem legalemq; facultatem cognoscendam, animum studiumq; applicui: atq; aliquot annis in earum cognitione consumptis, varia pronūciata ex vtraq; philosophia, & vniuersa pene encyclopædia desumpta, sex libris De Hominis felicitate complexus sum: in quorum primo & secundo, de Rerum Varietate, in ceteris, De Rep. & Legibus vsitato magis & quotidiano dicendi genere, quam copioso & ornato disserui: qui libri, cum mihi edēdi sint, & vt moris est, in disputationē publice proponendi: satis opportunam, diuque optatam nactus occasionem meæ, post Deum, patriæ maxime debitæ caritatis significandæ; eos, vti patriæ ciuē amantissimum decet, tibi Serenissime PRINCEPS, vobisq; PATRES Opt. donatos & consecratos, meque simul vestri studiosissimum perpetuo addictum esse volui. Cui enim, aut ad meam erga patriam pietatem testificandam conuenientius; aut rebus ipsis, quæ in hisce libris de philosophia, deq; Rep. & legibus tractantur congruentius; quam vobis sapientissimis eiusdem patriæ moderato-

ribus consecrare possum? ita primum singularis in patriam amoris mei testimonium extabit apud omnes: tum hæc lucubrationes ex vniuersa philosophia depromptę, vos optimarum artium scientia, & rerum gerendarum prudentia præstantes, noctę patronos atq; tutores, sapientię ac prudentię vestrę splendore illustrabuntur: denique nostri libri de Rep. & legibus, qui Remp. & leges rudibus duntaxat lineamentis adumbrant; ei Reip. dicati in lucem prodibunt, quę optimis ac saluberrimis legibus temperata, optime institutę Reip. forma & exemplum, sapientum omnium sententia iudicatur. Hos itaque ingenij mei fœtus multis editos laboribus atq; vigilijs in scientiarum studijs patrię potissimum causâ susceptis, tibi Serenissime PRINCEPS, vobisq; ampliss. PATRES multis de causis debitos, ultro a me delatos, hilari fronte & læto, quo dantur animo, vt accipiat, vos etiam atq; etiam rogo; & munusculum hoc magnitudini meritorum, ac dignitati vestrę longe impar, ex animo potius, quã ex re ipsa spectantes, vestra benignitate ita foueatis, vt perpetuum hoc vigeat pietatis meę singularis in patriam, & in vos mirifici amoris & obseruantię monumentum. Valete Serenissime PRINCEPS ac SENATORES ampliss., vosque DEVS Opt. Max. saluos ac felices perpetuo seruet, omniaque vestra consilia ad patrię salutem dirigat, actionesque fortunet.

Patauij xij. Kal. Maij.

CIO IO XCIV.

εἰς τὸν τῆς σοφίας γάον ἑμβλημα, κατὰ
τὸ, θ, τῷ παροιμοίων.

הכמות בנהה בתהה כבה עמו דיה שבב

Κλεινὴ ἀληθείας Δέσπονα, θεοὶ καλῶσι
 ἐν σοφίῃ, ἄνδρες φιλοσοφοὶ ἀρετῇ;
Υψηρεφὺς καλαῖς σὺν μέσαις δείματο δῶμα
 ἑπταχα δαιδαλθὲν, κίονας ἔπ' ἐπέχον.
Πρώτη ἐν φράσεων ιδιώματος ἐστίν, ἐν αὐτῇ
 πάντα σοιχείων λάμπεται ἀγλαΐα:
Δευτέρη ἐπ' ἀγλωσσον ἔχει τὴν βάρβιτον ὕμνοισ
 θεῶν, καὶ ῥυθμοῖς θελγομένην μέροπας:
Πολλὰ λόγων τρίτη ἐγκυκλοαμμένα σχήματα διλοῖ,
 τῷ τε γένει ὄντων, τὰς θέσεών τε τόπας:
Κρυψὴ λέξις ἐν ἐσι τετάρτη ἄνθεια πειθῆς
 θηκία τῷ μεσῶν, γλωττοκομόντε μελῶν:
Πέμτη ἔχει ἀβάκους καὶ ἀριθμῶν μυρία πολλὰ
 ἐκτε ταῖς γραμμῶν καὶ καθέτοις ἐρῶν:
Οὐρανὸς ἄσρα φλέγει ἐνὶ ἐβδόμῃ ἥλιος, ἐρμῆς,
 μυῖν, ἄρης, φαφί, ζῶστε, πατήρ τε κρῶνος.
Ἀλλὰ δόμους λιθίνους κορυφῶνται ἀμφὶ πρὸς ὅσον
 εἶδωλα σέφανον χερσὶν ἔχοντα τρία;
Ἐν φύσει ἔργων καὶ μυρία σχήματα ζῶν,
 παντοδαπῶν ἰδεῶν ποικιλίαν κατέχει:
Τῷ δ' ἑτέρῃ ἐνὶ χερσὶ βλέπονται τ' ἦθια ἀνδρῶν
 ἄστροι, καὶ βασιλεῖς τῷ πολέων τε νόμοι:
Χουσεφ ἀνὰ σκήπτρῳ πρῶτον ἐκτετατον ἄλλον
 τὸ τρίτον ἄσρα θεῶν ἐρανίωνας ἔχον.
Νῦν τὸ δὲ δῶμα νέοις μῦθον κίρυξε ἀπαυλῶναι
 ἢ σοφίῃ τὸ πλεόν τοῖς πρὸς φέρεισι πονοῦν:
Τένεκεν ἄρα νέοι πάνυ πολλὰ πονεῖτε, φέριςτος
 καιρὸς, καὶ νεότης μέγχι πάρεσι καλῇ.

E I V S D E M
M. ANTONII BRAGADENI

שִׁיר עַל הַחֲכָמוֹת בְּכָל־

אֲשֶׁר מִ-	עֵשִׁים	כָּל	בְּחֻכֵּם	פְּלָאִים
בְּרָאִים	וְסוּד-	כָּל	בְּסִפּוֹר	אֱלֹהִים
מְנִלָּה	לְעֵז	כָּל	חֲכָמִים	רְפָאִים
בְּחִידָה	בְּרֹז	כָּל	נְבוֹנִים	נְנוּחִים
סְתוּמִים	לְלֵב	כָּל	אֲטוּמִים	פְּתָאִים
תְּמָחִים	לְרוֹם	כָּל	תְּבוֹנוֹת	גְּבוּרִים
יֶאֱשֶׁר	שִׁכְר	כָּל	תְּבוּנָה	כְּמָהִים
בְּרַעַת	יְסוּד	כָּל	בְּנֵי הַ-	אֱלֹהִים

תם

Ἔστι τῶ φιλοσόφου ἀπὸ πάντων διύαθαι θεωρεῖν. Ἀριστοτέλ.
τῷ μετὰ τὰ φυσικὰ τὸ γ'. καυφ. β.

O T Δ E N
Γ A T K T T E P O N,
H Π A N E I Δ E-
N A I.

Nemo poterit esse omni laude cumulatus Orator, nisi erit omnium rerum scientiam consecutus. Cic. lib. I. de orat.

M. ANT.

M. ANTONII BRAGADENI.

PATRICII VENETI.

DE HOMINIS FELICITATE;

V E L

DE RERVM VARIETATE

Liber Primus.

P R Æ F A T I O.



SUMMVS ac prepotens *DEVS*,
ab omni aternitate perfecte beatus,
cum summam suam felicitatem, cum
alijs communicare constituisset: Mun-
dumq; hunc, quem cernimus, suo ver-
bo ex nihilo condidisset: omnia, quæ in
terris gignerentur ac fierent, ad vite
usum & hominis commoditatem procreavit, eiusq; subiecit
imperio; hominem vero sui causa, sibiq; similem effinxit, &
ad aternam beatam vitam in Cælo repositam destinavit.
Cum itaq; *DEVS* cetera omnia animantia rationis ex-
pertia, prona & humi depressa finxisset; solum hominem ra-
tionis participem & dominum omnium rerum esse voluit;
eumq; celsum atq; erectum in Cæli, quasi pristini domicilii spe-
ctatorem, in hoc pulcherrimo rerum varietatis Theatro con-
stituit; ut celestium corporum ordinem, admirabilemq; re-
rum conditarum varietatem contemplando, ipsum Mundi
summum opificem & fabricatorem agnosceret, eiusq; immen-
sam potestatem, sapientiam singularem, incredibilemq; mu-

A nti-

nificentiam admiratus, cum ex animo atq; vnice amaret & colcret, perfectaq; vivendi ratione quam maxime posset imitaretur: atq; ita homo, dum corporis ergastulo inclusus est, caelestem illam beatitudinem meditaretur & inchoaret; mox eo solutus, in caelum enolans, vitam perfecte beatam ac sempiternam ageret. Atq; hoc quidem est vere, non verbo tenus philosophantium studium & perpetua voluntas; & ijs, qui CHRISTI fidei initiati sunt propositus finis, ut scilicet DEVM Opt. Max. agnoscant, cognitum pie venerentur, perfecteque virtuti convenienter, statuunt perpetuo sibi esse vivendum. Cum autem Dei cognitio & amor atq; ipsa virtus, in duplici animi parte posita sit, in rationis & voluntatis perfectione, ad praestantissimum hunc finem, duplici genere scientiarum, dupliciq; vite ratione pervenimus: una in rerum contemplatione sita, quae rationem perficit; altera in actione collocata, quae voluntatem potissimum format. Nam priori vite ac studiorum genere, cum caelestium ceterarumq; mortalium rerum pulchritudinem contemplamur; tum praecipue DEVM agnoscimus, in eiusq; admirabilis operis cogitatione defixi, diuinam potentiam, sapientiam, bonitatem, ac providentiam elicimus. Quis enim tam hebeti tardoq; ingenio esse potest, qui, cum ingentem admirabilemque Mundi machinam conspexerit, summum eius artificem & fabricatorem non agnoscat? quis porro tam stupidus, qui, cum tantum Mundi ornatum, tam multarum rerum firmam perpetuamque vicissitudinem, tantam naturae varietatem intueatur: caelestium corporum pulchritudinem contempletur; Solis, & Lunae, & reliquorum syderum errantium, atq; astrorum omnium fixarum viderit distinctionem, magnitudinem, motus aequabilitatem, progressiones, institutiones, & ordinem sempiternum; non intelligat numen aliquod esse harum maximarum rerum conditorem, moderatorem, perpetuumque conservatorem? Cum autem tot rerum genera, quae in terris gi-
gnantur, hominum causa parata esse cernimus; cum lucem
qua:

qua fruimur; animum, quo vivimus, & presentem beatam vitam, eternamq; in caelo constitutam, intelligimus ab hac praestantissima mente Mundi effeëtrice, quam DEVM appellamus, nobis impertiri, quis adeo immanis inveniri potest, qui singulari in eum amore non inflammatur? Altera vero vitae studiorumq; ratio in actione posita, quae cuiusque, & familiae, ac Reip. institutione docet; id nobis potissimum praestat, ut singulis nostris actionibus Deum nostri, omniumq; rerum parentem munificentissimum contemplati, summa caritate prosequamur, eiusq; causa ceteros pariter ac nos metipsos amemus: ea enim cuiusq; & universorum hominum mores, actiones, cogitationesq; dirigendo efficit, ut debitum cultum Deo rite exhibeamus, deinde honeste vivamus, postremo suum unicuique iuris equabilitate tribuamus; atq; ita cum nobismet ipsis, tum parentibus & patriae utiles, & viri boni simpliciter simus. Ex quo efficitur, eos tum demum beatos habendos esse, qui rerum praestantissimarum contemplationem cum actionibus consentaneis perfectae virtuti coniunxerint. Quoniam igitur hominis, qui ratione ducitur & vivit, praecipua cogitatio in eo sita esse debet, ut finem & rerum agendarum ultimum cognitum habeat planeq; perspectum; constatq; felicitatem nostram in praepotētis Dei, rerumq; ab eo conditarum cognitione, & in actione virtuti optime consentanea in vita perfecta esse collocatam; propterea, ut ad hoc praestantissimum hominis bonum pro facultate pervenire possem, ex duplici philosophia in cogitatione & actione posita, libros duos de rerum varietate deprompsi, quibus divinae naturae, & rerum fere omnium contemplationem per summa capita breviter perstrinxi, nec non libros quattuor de Rep. & legibus, qui in bene constituta Rep. rationem tradunt perficiendarum nostrarum omnium actionum, quibus Deo primum debitus cultus adhibetur; deinde alij, vel in una familia, vel in una Urbe congregati, apte ad summam felicitatem bonis moribus instituuntur, ad virtutem informantur, & optimis legibus gubernantur.

L I B E R

E X S A C R A T H E O L O G I A

Scolastica. Cap. I.

I



- Q*UONIAM hominis felicitas primum in contemplatione, ac prepotentis Dei cognitione sita est; & rerum varietatis ab Immortali Deo, tamquam ex primo auctore principia ducuntur: merito ab ipso Deo felicitatis cognoscenda varietatisq; contemplande sunt nobis capienda primordia; postea dicendum quæ sit diuina natura, quæ eius attributa, quæ providentia quid summa Trinitas. & qua ratione Deus sit hominis principium, finis, & recuperator.
- 2 Itaque DEVM esse, non modo fide ac religione credimus; sed etiam naturæ vi possumus rationibus physicis probare ac demonstrare.
- 3 Est autem Deus, mens sine corpore, & rerum omnium maxime pura ac simplex.
- 4 Idemque vnus est, infinitus, æternus, perfectissimus, beatus, ac immortalis; & singula, quæ ab eo condita sunt, earumque perfectiones omnes admirabili, præstantissimaque ratione continet.
- 5 Præterea Deus est optimus, immo vero suapte natura est summum bonum, ut nihil in omni Mundo melius sit, nec excogitari quidem possit.
- 6 Ceterum, quamuis Deus ob summam naturæ infinitatem sit ubiq; locorum & gentium, tamen nulla regione, nullisque Celi, aut rerum vniuersitatis sinibus, quasi aequali, certoque loco definitur, aut circumscribitur.
- 7 Sed omnibus, singulisq; rebus creatis intime coniunctus inest sua natura, potestate, atque presentia.
- 8 Propterea Mundus, omnesq; Mundi partes omni tempore diuino consilio, diuinaq; providentia administrantur.
- 9 Nec modo Deus vniuersæ Mundi, rerumque humanarum pro-

pro-

procuracionem habet; sed priuatim etiam cum omnibus inuuantibus causis absq; earum efficientia impeditiōe, ad singula efficienda nulla re alia interiecta cōspirat atq; cōcurrit.

10 Tamen diuerso modo prouidet homini, atq; ceteris rebus. Nam, cum homo ad finem supra naturā ordinem diuinā prouidentia dirigatur; Deus ut admirabilem suam misericordiam, institutiāq; patefaceret, nullo merito nostro, ex hominibus quosdam ab omni aternitate ad aeternam gloriam delegit ac destinauit; quosdam autem ob eorum nefaria scelera reprobauit.

11 Qui quidem omnes certo ac immutabili numero, diuināq; scientia comprehenduntur.

12 Neminem tamen Deus reprobauit ante praeiudiciā culpā.

13 Atque haec de unitate diuinā naturā, quae ita una est ac simplex, ut plures personas non excludat.

14 Est enim in Deo intima sui communicatio, & absque ulla sui immutatione trium personarum Patris, Filij, et Sacri Spiritus multiplicatio atque distinctio.

15 Nam aeterni Patris, qui a nullo natus est, quedam est fecunditas atque communicatio, quae uera est, & propria, unaque tantum generatio.

16 Qui a Patre existit, uere est Filius, isque unigenitus, nulla ui; sed naturaliter & necessario a patre ex sua naturā, & rerum omnium cognitione genitus.

17 Pater uero, & Filius se mutuo infinite diligentes, spirant ambo Sacrum Spiritum, eiusdem prorsum naturā & aequalitatis.

18 Spiritus Sanctus, non genitus est, non filius; sed a Patre & Filio, uno ipsius principio, unaq; spiratione mirabiliter emanat.

19 Sunt autē diuinarū personarū aliquae uerae relationes; quae perfectionē explicāt, & proprietatē, ac distinctionē adiungūt.

20 Nam, tametsi diuinarum personarum relationes, & diuina naturā re ipsa non differant; tamen non sunt idem prorsum,

sum, quod diuina natura.

- 21 *Præterea, sunt quæ hæc notiones ac proprietates, quibus etiam diuina persona inter se distinguuntur.*
- 22 *Deus vero Opt. Max. non modo intra se; sed etiam cum alijs, & cum homine præsertim bonitatem suam immensam communicauit, cum Mundum & omnia, quæ eius ambitu continentur hominis causa fabricatus est, ipsum vero ob sui gloriam procreauit.*
- 23 *Ex quo Deus hominis non modo principium est, sed etiam ultimus finis.*
- 24 *Absoluta enim beatitudo nostra, nullo modo in hisce rebus creatis atque caducis consistit, sed in Dei cognitione;*
- 25 *Quod, etiam si natura duce necessario probari potest:*
- 26 *Tamen, nisi diuinitus patefactum esset, felicitatem nostram sitam esse in clara Dei ac sanctissime Trinitatis inspectione, & amore, ut Christiana fides atque religio docet; humana mens natura tantum lumine illustrata, nullo studio ad tam admirabilem cognitionem aspirare potuisset.*
- 27 *Hæc beatitudo quoniam in immortalis Dei perspicua inspectione & amore posita est; ea fruimur duplici animi functione, id est intelligentie, & voluntatis.*
- 28 *Verumtamen, primum atque præcipue ea in amore erga Deum consistit: postea in eiusdem amati obtutu & cognitione.*
- 29 *Hoc autem diuino bono, modo fruuntur singule beatorum mentes, quæ per se diuinam naturam atque personas intuentur, & attributa diuina intelligunt, quæ fide certa ac persuaasa habuerunt, & quæ vi nature cognoscuntur; necnon ea, quæ ad rerum vniuersitatem pertinent.*
- 30 *Nemo tamen eorum, qui in Cælo beatam vitam degit, in diuino verbo videt omnia, quæ Deus comprehendit, nec vniuersa, quæ a Deo creari possunt; sed vniuerse duntaxat cognoscit omnium rerum naturam, species, & proprietates.*
- 31 *Et quo ceteris beatiores sunt, eo plura & clarius vident:*
- 32 *Beatitudo enim est inæqualis non modo ex Dei videndi*
cla-

*clariori vel obscuriori ratione; sed ex rei quoque obiecta, id est Dei, & diuinorum attributorum magis minusue cum-
lata cognitione.*

33 *Nos vero non possumus per nos ipsos, nostrisq; viribus di-
uinam naturam intueri, nisi gloria diuino lumine illustrati
ad eam perducamur.*

34 *Itaq; iusti atque integri eorum animi, qui ante CHRI-
STI mortē diem suum obijerunt, antequam CHRISTVS
resurgeret, nec Dei conspectum subire, nec in celestem pa-
triam ingredi potuerunt.*

35 *Modo tamen iustorum hominum anime, ab hoc corporis
vinculo solute, & sacris ab omni noxa liberate, vel in igne
purgante expiate, statim in Cælum commigrant, in sancto-
rumq; consortium admittuntur.*

36 *Impiorum vero anime, ubi e corpore excefferint, alsq;e
ulla cunctatione a iustissimo iudice aeterno igni adindicate,
debitam luunt in inferno carcere penam suorum scelerum.*

37 *Quoniam vero ob peccatum origine contractum, ceteraq;
ab hominibus perpetrata scelera, admodum vitiat a ac de-
prauata erat humana natura; Deus ut eam restitueret &
præclusam aditum ad beatitudinem patesaceret, humanam
carnem assumpsit.*

38 *Quod, tametsi non fuit omnino necessarium ad hominis
salutem: tamen omnino consentaneum fuit, Deum se se crea-
tis rebus communicare humane carnis assumptione.*

39 *Ac longe congruentius hominis, quam Angelorum natu-
ram induit; ut natura, quæ peccauerat, ipsa satisfaceret, ac
recuperaretur.*

40 *His ergo vulneribus nature humane, CHRISTVS
Sacramenta tamquam salutarem medicinam adhibuit; eaq;
ad genus humanum reparandum necessario instituit.*

41 *Sacramentum autem non modo est rei sacræ signum; sed
etiam diuinam gratiam hominē iustum efficiētem confert.*

42 *Semperq; signū est rei sensibus subiectæ, quæ diuine gratiæ
nostræq;*


noſtraque ſanctitatis ſignificanda & efficienda vim continet.

- 43 *Nec ſolum vnā aliquam rem, ſed plures ex diuina inſtitutione ſignificat. Nam vnumquodq; Sacramentum, primum diuinam gratiam nos ſanctos & iuſtos reddentem indicat, ac demonſtrat: deinde C H R I S T I Sacramentorum & noſtræ ſanctitatis auctoris cruciatum & mortis memeriam affert: poſtremo celeſtem beatam uitam, & gloriam ſempiternam prenunciat.*
- 44 *Singula Sacramenta rebus & uerbis conficiuntur, quorum alterum materie, alterum formæ uim atque rationem obtinet*
- 45 *Semperq; in Sacramentis nouæ legis certis rebus a Chriſto inſtitutis, ac potiffimum præſcripta uerborum forma uti oportet.*
- 46 *Effectus Sacramentorum, duo præcipue ſunt, gratia & character.*
- 47 *Nam Sacramentum & diuinam gratiam confert, quæ hominem iuſtum ſanctumque reddit; & ueluti quoddam inſigne anima imprimit, quod deleri nunquam poteſt.*
- 48 *Quamuis enim Sacramenta rebus ſenſibus perceptis conſiciantur, quæ ſæpè natura animum attingere non poſſunt: tamen admirabili præpot. Dei uirtute, tantam uim habent, ut ad hominum intimos ſenſus, & animam uſque peneirent gratiam conferendo, & character imprimendo:*
- 49 *Sed illud ſingulis Sacramentis commune eſt; hoc uero triū ſolummodo proprium, baptiſmi, conſirmationis, & ſacri ordinis.*
- 50 *Ex quo facile intelligitur, nouæ legis Sacramenta ueteris legis Sacramentis præſtantiorem uim obtinere.*

מִקְבֵּלָה

ET EX MYSTICA THEOLOGIA.


Cap. I I.

- 1  ECEM קְבִירֹת, sunt regula diuinitatis, quibus Deus bonitatem suam immensam cum alijs communicauit. perpetuoq; communicat.
- 2 Deus vero creauit Mundum tribus libris, בְּסֵפֶר וּבְסֵפֶר וּבְסֵפֶר id est, in libro, numero, & locutione.
- 3 Nomen יְשׁוּעָה, ex principijs הַקְבֵּלָה, notat Deum, Dei Filium, Patris sapientiam, secundam Trinitatis personam opera Spiritus Sancti humana carne indutam, Mundi conditorem munificentissimum, eiusdemque Seruatorem.
- 4 Sanctuarij porta, quam Ezechiel clausam aspexit, & la-^{Exo. 44.}_{17. 22.} pis e monte absque manuum, & hominis opera abscisus; qui creuit in montem adeo magnum, ut vniuersum Orbem terrarum impleat; conceptionis & Natiuitatis IESV CHRISTI prauia figura & oraculum extitit.
- 5 Cum autē Deus manā patribus in deserto e Calo demisit, ^{Exo. 16.}_{Gen. 14.} & Melchisedech panem ac vinum Abramo obtulit; typus fuit & praegeſſa figura Sanctissimae Eucharistiae.

EX THEOLOGIA ZOROASTREA,

Trismegistica, Orphica, Platonica, & Sybilarum Oraculis.

Cap. III.

- 1  VM Zoroaster, humana totius sapientiae pater, in suis oraculis cecinit, Patrem proprium ignem non clausisse in potentia sua mentali, & esse omnia vno ab igne progenita; significauit diuinitatem a Deo Patre primum intra suū profundum in mentem primam, & secundam diffusam esse;

B

deinde



deinde extra suum profundum ceteris mentibus, animis, & omnibus rerum gradibus aliquo modo tributam & communicatam; Mundumq; uniuersum a Deo conditum esse.

- 2 Et sapientissime ac diuine ait Trismegistus, Deum ob hoc ipsum omnia fecisse, ut per omnia eum cernas, hoc bonum ipsius Dei est, hoc eius virtus, ut per omnia appareat.
- 3 Cum autem Orpheus tres uocat rerum conditores, *Ὀυραν, Οὐρανόν, καὶ Κρόνον*, intelligit & innuit Patrē, Filium, & Sacrum Spiritum simul conspirasse ad Mundum producendum:
- 4 Tamen principium unum est totum quod est, ut praeclare inquit diuinus Plato, quod est extra omnia, & in omnibus, omniaq; ex illo, per illud, & ad illud sunt.
- 5 Erythraea Sybilla in *ἀποσχη* illo vaticinij de extremo in terris iudicio *Ἰννοῦς, Χρυσός, θεός, ὃς στερ, σαρπός* diuino afflatu Christi aduentum & mortem naticinata est.

EX METAPHYSICA.

Cap. IV.

1 **M**ETAPHYSICA, est rerum vera scientia ceterarum omnium praestantissima; cuius subiecta materia, quam tractat, est res, vel id quod est, quatenus est.

- 2 Eius autem quod est affectiones & proprietates, tres numero sunt, Vnum, Verum, Bonum.
- 3 Vnum, nihil adiungit ei quod est; sed proprie negat diuiduum esse simulq; ipsum significat, & cum eo est idem re ipsa:
- 4 Verum dicitur, cum eiusmodi res est, cuiusmodi sapientia esse debet:
- 5 Bonum autem, modum quendam rei cuiusq; constitutioni congruentem declarat.
- 6 Diuiditur id quod est in decem summa genera seu categorias, substantiam, quantitatem, relationem, qualitatem, actionem, per passionem, ubi, quando, situm, & integritatem.

Que

- 7 *Quæ omnia duplici discrimine in duas supremas classes facile distinguuntur, in substantiam, quæ primam, & acci-*
dens, quod ceteras nouem complectitur categorias.
- 8 *His, id quod est non censetur commune genus una & æqua*
liratione, sed ab uno: nam primum dicitur de substantia,
postea de accidente.
- 9 *Substantia res est, quæ per se constat, omnibusq; subiicitur*
accidentibus, quibus ipsa prior est natura seu definitione, co-
gnitione, & tempore.
- 10 *Accidentis autem propria & absoluta natura, non est sem-*
per alteri inharere; sed qua alteri accidit.

EX NATVRALI PHILOSOPHIA.

Cap. V.

1



VE M A D M O D V M summam atque admi-
 rabilem immortalis Dei diuinarumq; rerum
 pulchritudinem ac varietatem in Sacra Theo-
 logia cognitione, mente atque cogitatione con-
 templamur; ita dum ad pulcherrimum huius
 Mundi Theatrum conspiciendum descendimus, insignem &
 varium fluxarum celestiumque rerum ornatum diuinam
 pulchritudinem referentem in naturæ inuestigatione sensi-
 bus percipimus & potissimum oculis intuemur.

2

Physica disciplina, est inspectrix scientia ac philosophiæ
pars, quæ corpus naturale, seu Mundum corporeum, qua in-
terno motus naturalis principio prædeditum est, tamquam sub-
iectam materiam explicat.

3

Harum autem rerum naturæ constantium principia, quæ-
dam interna numerantur, quedam externa: interna omnino
tria sunt, materia, forma, & huic opposita priuatio.

4

Quorum duo tantum priora, cum sint ipsa rerum na-
turæ constantium essentia, propriæ naturæ nomen ac vim
habent.

- 5 *Natura vero, nihil aliud est, quam intimum principium & causa motus & quietis eius, in quo est primo per se, & non per aliud.*
- 6 *Externa principia, sunt finis & efficiens, quæ si cum internis duobus materia & forma coniugantur; quattuor existant genera causarum, materia, forma, finis, & efficiens.*
- 7 *Communes affectiones corporis cuiusque, quod natura præditum est, sunt motus, & quies, continuum, infinitum, locus, tempus, & inane.*
- 8 *Motus, est mouentis & mobilis, quæ moueri potest, perfectio seu endelechia,*
- 9 *Cuius unitas & propria natura sumitur a termino ad quem tendit.*
- 10 *Cum autem in omni motu sit actio atque perperessio, actio inest per se in patiente tamquam in subiecto, in agente vero per aliud alienaque vi.*
- 11 *Motus multiplex est, nam alius est naturalis, ut ortus, interitus, accretio, diminutio, immutatio, & motus grauium & leuium; alius violentus, ut agitatio eorum, quæ vi in sublimè efficiuntur; alius animalis, ut ille, qui cunctis animantibus conuenit.*
- 12 *Grauia & leuia corpora a facultate essentiali ad motum rediguntur a generante, proxime & per se mouentur a sua forma, per aliud vero ab eo, quod remouet impedimentum.*
- 13 *Proiecta, motu ciuntur ab aere intermedio succedente tamquam ab efficiente.*
- 14 *In animantibus autem, forma atque materia est principium, quo ipsa per se mouent & mouentur; totum vero, est id, quod mouet & mouetur.*
- 15 *Continuum, quod magnitudinem & quantitatem corporis naturalis complectitur, non componitur simpliciter ex indiuiduis corpusculis, nec ex omnino indiuiduis; sed ex partibus continuis, & quæ diuidi possunt.*
- 16 *Infinitum, re vera nihil esse potest; cum omnia simplicia*
&

& concreta corpora finitam magnitudinem & vim obtineant.


- 17 *Locus, proprie nihil aliud est, quam superficies corporis ambientis.*
- 18 *Tempus, est mensura seu numerus motus per prius & posterius.*
- 19 *Inane autem & vacuum, nihil est in rerum natura, nec vi natura esse potest.*
- 20 *Corpora naturalia iam constituta explicatisq; affectionibus praedita, alia sunt aeterna, ut calum, alia mutabilia, ut cetera omnia.*
- 21 *Calum, est corpus naturale simplex, materia, formaeque expers:*
- 22 *Neque enim componitur ex materia horum inferiorum;*
- 23 *Neque intelligentia, est forma, qua calum informet; sed suo orbi assistit.*
- 24 *Ex quo efficitur, calum & intelligentias simpliciter esse immortales.*
- 25 *Verumtamen, calum vim suam exercet in hac inferiora corpora motu & lumine, quorum vi tantam in natura rerum pulchritudinem, varietatem, ac perpetuam vicissitudinem cernimus.*
- 26 *Corpora physica per se ortui atque interitui obnoxia, alia simplicia sunt inter corpora, ut quattuor elementa; alia concreta, ut omnia, quae ex elementis, & ex eorum qualitatibus permiscentur.*
- 27 *Elementa, quae sunt prima ac simplicia corpora ex materia & forma orta, sunt quattuor tantum, ignis, aer, aqua, & terra.*
- 28 *Ignis, cum leuissimus sit, supremam atque aetheream obtinet regionem, suoq; globo semper in orbem fertur, quamvis srupte natura sursum & recta moueri deberet.*
- 29 *Huiusmodi autem motus in orbem, oritur a Calii conuersione & motu, ab eoq; perpetuo conseruatur.*

- 30 *Igni proximum locum possidet aer, qui in tres regiones diuiditur in supremam, infimam, & mediam.*
- 31 *Quæ quidē differūt inter se magnitudine, & qualitatibus.*
- 32 *His succedit aqua, quæ acri subijcitur, & terra superior, ac longe maior existit.*
- 33 *Postremo loco est terra ipsa, quæ immota manens, sui gravitate ad centrum deprimitur.*
- 34 *Horum quattuor elementorum, quattuor sunt primæ qualitates, calor, frigus, humor, & siccitas; quarum altera alteri primum congruit elemento.*
- 35 *Terra enim est omnium primum sicca, aqua primum frigida, aer primum humidus, ignis primum calidus.*
- 36 *Concreta corpora naturalia, sunt ea omnia, quæ ex elementorum permistione exoriuntur; quæ, cum mortalia sint, perpetua vicissitudine modo gignuntur, modo intereunt, modo augētur, modo imminuuntur, modo deniq; immutātur.*
- 37 *Permistio est eorum, quæ inter se temperari possunt, commutatorum unio; quæ a misti generatione re ipsa non differt, sed ratione tantum.*
- 38 *Recens autem essentia generatio, non fit ex nihilo; sed ex antegressa subiecta materia, ex qua sunt quattuor prima simplicia corpora appellata elementa; quæ Mundum mortalem & concreta omnia corpora suarum qualitatū atq; formarum temperatione quadam constituunt. Non enim in concreto, manent integra eorum qualitates & formæ; sed temperate atq; remisse: tamen ex earum temperatione & mediocritate, mistum ad pondus æquale exoriri, mente & cogitatione potius concipitur, quam vere existit.*
- 39 *Cum autem res naturales intereunt, non dissoluuntur usque in primam materiam; sed manere possunt accidentia quedam communia genito, & interempto.*
- 40 *Corpus naturale, quod vita præditum est, plantas, stirpes animantes, animalia rationis expertia, & hominem continet.*

- 41 *Partes, quibus constant omnia viuientia corpora, sunt materia et forma, materia quattuor sunt precipui gradus, prima materia, quattuor elementa, mista similium partium, & membra; forma vero est anima, qua est perfectio corporis, omniumque eius functionum principium.*
- 42 *Vnde optime definitur, prima corporis naturalis, quod viuendi facultatem habet, perfectio sine endelechia.*
- 43 *Ea, quia principium est, quo viuimus, sentimus, mouemur, atq; intelligimus, diuiditur in nutrientem, sentientem, & rationalem:*
- 44 *Mouendi enim facultas, aliud tantum animatorum, non item anime genus constituit.*
- 45 *Altricis anime tria sunt omnino distincta officia, corpus alere, augere, & aliud sibi simile procreare;*
- 46 *Quod inter cetera munera anime vegetantis opus prestantissimum est, & precipue a natura ingeneratum; ut sua cuiusque species propagatione, perpetuaque successione conseruetur.*
- 47 *Sentiens anime facultas, qua animal percipit aliquo sensu ea, quae extra se posita sunt, ipsum in eminentiorem sublimioremq; gradum corporis atq; materia constituit.*
- 48 *Sensus sunt duplicis generis, alij externi, qui sunt numero quinque, tactus, gustus, odoratus, auditus, & aspectus; alij interni, qui tres sunt, sensus communis, phantasia, & memoria.*
- 49 *Anima autem rationis participans, quae est hominis forma, nullo modo diuidua est, nec ullam certam sedem obtinet; sed tota est in toto corpore, & tota in qualibet parte.*
- 50 *Eademque in singulis hominibus, sicuti sentiens in ceteris omnibus animantibus, unica est & singularis, multis praedita facultatibus aliarum imperfectiorum animarum.*


EX HISTORIA STIRPIVM.

Cap. VI.

- 1  *TIRPS*, cuius tractatio postremum locum obtinet in naturali philosophia, est corpus mixtum anima vigente præditum sine sensu, quod cali ac terra vi, radice, vel auulsione. seminūq; natura solo nascitur, alitur, & augetur.
- 2 *Stirpes autem a natura datae sunt, ut animantibus alimentum, valetudinem, & voluptatem suppeditent.*
- 3 *Omnino tria sunt genera stirpiū, arbor, fructex, et herba.*
- 4 *Quarum diuersæ vires ac facultates a medicis agnoscuntur vel primarum qualitatum caloris, frigoris, humoris, & siccitatis proportionem, & gradibus; vel secundarum qualitatum & sensuum auxilio, ut sapore, odore, colore, atq; efficiētia.*
- 5 *Zoōtura seu stirpes animantes, cum nec anima tantummodo, ut ceteræ stirpes ac plantæ, nec sentiente cum se se mouendi facultate, ut animalia; sed anima sentiente motus ex parte constituentur: merito sunt cuiusdam intermediæ naturæ inter stirpes & bruta animantia.*

EX MAGIA NATVRALI.

Cap. VII.


- 1  *MAGIA* naturalis, est secretior natura philosophia, & fructus quidam, vel in actione posita physiologiæ pars.
- 2 *Quæ per se utilis est, & iure permissa.*
- 3 *Eius vero miracula & admirabiles effectus, qui rerum naturam & hominum facultatem superare videntur, sunt naturalia efficientia separata, patientibus sapienter applicando, & congruenter connectendo.*
- 4 *Est enim quædam tum animantium, tum ceterarum naturalium*

ralium rerum sympathia & antipathia, quibus admirabili & abdita ratione, quedam se se vicissim amplectantur, & prosequuntur; quedam refugiunt atque expellunt.

- 5 Ex Magia naturali tres præclare artes extiterunt Medicina, Chymica, & Agricultura, quæ naturali scientiæ subijciuntur ab eaq; principia mutuuntur.

E X M E D I C I N A.

Cap. VIII.

- 1  **M**EDICINA, quæ dicitur nature instrumentum, est ars actionis, & ex earum artium serie, quæ cõiecturis nituntur ad fines suos cõsequendos.

- 2 Ei subiecta materia, est humanum corpus qua sanari potest: finis vero est sanare: officium apte curare ad sanandum: valetudinis autem conseruandæ vel restituendæ causa Medicus utitur indicatione, experientia, & collatione seu comparatione.

- 3 Sanitas seu valetudo, est nature consentanea & proba humani corporis constitutio; qua corpus perfecte suis muneribus fungitur.

- 4 Huic contrarius morbus, est affectus præter naturam humano corpori insidens, a quo statim læsæ actiones existunt.

- 5 Sanitas autem primū posita est in proba similium partium permixtione, quæ temperies nuncupatur: deinde in dissimilium partium concinnitate, quæ corporis conformatio dicitur: postremo in utrarumq; partium tam similium, quam dissimilium cõmuni & optima constitutione, quæ vocatur cõtinitas.

- 6 Contraria est morbi ratio, quoniam in vitij contrarijs, ut in intemperie, mala corporis conformatione, & soluta continuitate cernitur.

- 7 Intemperies, est morbus similium partium præcipue a causa immutante effectus, a quo læsio functionum exoritur.

- 8 Mala corporis compositio seu conformatio, morbus est dissimilium

L I B E R


similium partium, qui in corporis figura, & membrorum concinnitate vitiata cernitur.

9 *Soluta continuitas, est communis similium ac dissimilium partium morbus & depravatio.*

10 *Morbum autem non modo functionum laeso, sed multa alia consequuntur; quae communi nomine symptomata nuncupantur; symptoma vero, est constitutio praeter naturam, vel omnis affectio, quae morbum comitatur.*

EX CHYMICA, ET AGRICULTURA.

Cap. IX.

1  *HYMICA, est ars, quae praecipue ex sulphuris & vini argenti mixture, meliora ex materia puriore sceligere vult, & deteriora ex impuriore.*

2 *Sicuti enim vis luminis caelestis sulphur & argentum vivum fouet, vertitq; in varia metalla; ita Chymici naturam imitantes, calorem & frigus sulphuri & argento vivo applicant, ut aliud metallum colligant.*

3 *In Agricultura vero, duo considerantur ager, & fruges.*

4 *In agro tria potissimum spectantur, primum enim ager eligendus est, eiusq; natura & loci qualitas probe noscenda est; deinde ager colendus est omni industria: postremo in semine facienda, serendo &c. temporum, aeris, siderum, aquae, terrae, modiq; habenda est ratio.*

5 *In frugibus colligendis, messis, tritura, & ventilatio necessaria est.*

EX MATHEMATICIS DISCIPLINIS.

Cap. X.

I



*Q*UONIAM cognitio rerum omnium, quæ sub contemplationem cadunt; tribus scientiis in speculatione positæ continetur, Theologia, Naturali philosophia, & Mathematicis disciplinis: propterea, cum egerimus de theologicis, naturalibusq; contemplationibus; nunc ordine differendum est de Mathematicorum scientiis.

2

Mathematica itaque, est scientia omnium certissima cum ob subiectam materiam, quam tractat; tum ob modum considerandi.

3

Materia ei subiecta nihil aliud est, quam partes, & continuum quantitatis: Mathematicus vero quantitatem hanc a corpore, & materia naturali, præsentia, & affectionibus abiunctam considerat, eamq; non modo abstrahit ab ijs, quæ ex accidenti iuncta sunt, & ab eo, quod posterius accedit; sed, etiam ab eo, quod prius existit.

4


Deinde Mathematicus nullam proprie causam considerat; sed formam tantum explicat, non quidem ut refertur ad id, quod forma præditum est; sed ut ex ea colligitur affectio quantitatis, & hac ratione ex forma desinit ac demonstrat, in quo maxime differt a physico.

5


Mathematicarum autem disciplinarum aliæ primæ ac simplices sunt, ut Arithmetica, Geometria, & Stereometria; aliæ intermedia inter Mathematicam & Physicam disciplinam, ut Musica, Optica, Astronomia, Astrologia, & Cosmographia.

EX ARITHMETICA.

Cap. XI.

- 1  *ARITHMETICA* & maxime simplex Mathematicae disciplina pars, est Arithmetica, quae deiunctam quantitatem, id est numerum a rebus corporeis abstractum, tamquam subiectam materiam explicat.
- 2 *Hic autem numerus separatus ab ipsis rebus, & is quo aliquid numeramus, uniuersum non nisi animi comprehensione existit.*
- 3 *Prinuatim vero numeri rebus ipsis admisti perfecta natura, nullo modo a ratione emanat; sed vere cernitur in rebus ipsis.*
- 4 *Numerus autem mathematicorum, nihil aliud est, quam multitudo ex unitatibus numerantibus aggregata.*
- 5 *Quo sit, ut numeros omnes quot quot sint, communi mensura vicissim dimetiri possimus.*

EX MUSICA. Cap. XII.


- 1  *MUSICA*, est ex Mathematicis disciplinis ars intermedia, & simplici Arithmetica subiecta; quae numerum cum sono coniunctum, seu melos & concentum considerat.
- 2 *Musica duplex est, una Mathematicorum, quae ab Arithmetica sumit principia, eisque nititur, & in ea diffinitur: altera rationis experta, quae in solo auditu, & concentu cernitur.*
- 3 *Hae autem vocantur Musica duorum est generum, alia enim simplex est, alia composita.*
- 4 *Simplex, unus hominis voce exprimitur: vocum autem interualla seu gradus, sex uniuersum numerantur; quae-*

rum

rum affectiones sunt unisonus, & symphonia.

- 5 Composita vero, est harmonia & plurium vocum concentus seu symphonia, cuius conficienda plures traduntur leges.

EX GEOMETRIA. Cap. XIII.

- 1  L T E R A simplex Mathematica pars, est Geometria, qua lineas, ac superficies a materia naturali secretas considerat.


- 2 Linea, qua rerum longitudinem metimur, est longitudo latitudinis, & crassitudinis expers, cuius extrema sunt duo puncta.

- 3 Punctum autem, quod est magnitudinis principium, omnis magnitudinis expers intelligitur, & ex eius fluxione in longum ducti lineam procreari cogitatione concipimus.

- 4 Angulus, qui est affectio lineae, est duarum linearum mutuus contactus.

- 5 Superficies vero, est extremitas longa, & lata, crassitudine carens, cuius extrema sunt duae lineae.

EX OPTICA. Cap. XIV.

- 1  P T I C E S, est intermedia disciplina inter physicam & Mathematicorum scientias, simpliciq; Geometriae subiecta; quae lineas a materia naturali abiunctas sunt a Geometra explicatas, easq; radijs rectis, reflexis, & refractis illustratas, quae pertinent ad aspectum, considerat.

- 2 In optica vero tria potissimum spectantur, cernendi modus, varietas aspectus, & deceptio.

- 3 Cernendi modus duplex est, rectis radijs, ut in aere, & refractis, qui referuntur vel ad angulos aequales, ut in speculis planis, connexis, simplicibus, & compositis, ex quo fit reflexio radiorum: vel ad angulos inequales, ut in humore, & aqua,


L I B E R

& hi speciationes ad refractum dicuntur.


- 4 *Aspectus diuersus existit, tum ex diuersa ipsius affectione & qualitate; tum ex vario ipsarum rerum, quae cernuntur, situ, colore, magnitudine, leuitate, & densitate.*
- 5 *Decipitur autem aspectus a rerum magnitudine, paruitate, coloribus, nisi ipso, & cogitatione.*

E X S T E R E O M E T R I A.

Cap. XV.

- 1  *OSTREMA simplex Mathematica pars, est Stereometria, quae corpora solida a materia abiuncta per se ac simpliciter tractat.*
- 2 *Solidum, est magnitudo longitudine, latitudine, & altitudine praedita, cuius terminus est superficies seu extremitas.*
- 3 *Figura autem solida, est corpus ab una uel pluribus extremitatibus comprehensum.*
- 4 *Solidae figurae, sunt sphaera, conus, cylindrus, pyramis, prisma, & quinque corpora regularia tetraëdrum, cubus, octoëdrum, dodecaëdrum, & icoëdrum;*
- 5 *Sed inter omnium corporum figuras, perfectissima & capacissima est sphaera.*

E X A S T R O N O M I A. Cap. XVI.

- 1  *STRONOMIA, est intermedia scientia Stereometriae subiecta, quae corpus solidum seu sphaeram complicatam naturali materia considerat.*
- 2 *Sphaera & Mundus uniuersus distribuitur in duas partes, in caelestem atq; aetheream, & in elementariam.*
- 3 *Celum, est corpus maxime rotundum, quod sempiternis conuersionibus in orbem torquetur, rursumq; in se reuertitur.*

Ex

4 *Ex quattuor autem elementis infimum, est terra, quæ in medio mundi fixa, solida, atque immota per se coheret suis librata ponderibus, & cum circumfluis aquis unum efficit globum atq; tumorem.*

5 *In sphaera autem vertex duo sunt immoti, quorum unus arcticus seu septentrionalis dicitur, qui ad Septentrionem attolitur ac nobis semper conspicuus est: alter antarcticus seu australis appellatur, qui ad Austrum deprimitur, & nobis semper occultatur. Circuli uero ex quibus Astronomis sphaera conficitur, decem numerantur, finiens, meridianus, signifer, æquator, duplices coluri æquinoctiorum & solstitiorum, arcticus, antarcticus, & duo tropici æstius & brumalis.*

EX ASTROLOGIA.

Cap. XVII.

1



ASTROLOGIA diuinatrix seu Haruspicina, est disciplina interiecta inter Mathematicam & Physicam, quæ rerum futurarum euentus ex consensu & conspiratione celestium corporum cum inferioribus diuinat atq; prædicit.

2

Sunt autem tria præcipua Haruspicina principia, signifer circulus, septē stellæ erratica, & duodecim Cæli domus.

3

Ceterum fortune actiones atq; consilia, quæ a libera voluntate proficiuntur, nulla certa diuinandi scientia continentur.


4

Quare ea nec certo cognoscere, nec præenunciare licet.

5

Futura tamen euentus, & actiones, quæ ad communes causas pertinent, & opera, quæ a natura proficiuntur, ex motibus, coniunctionibus, aspectibus, & afflatibus syderum probabiliter, quamuis difficulter prouideri ac prædici possunt.

L I B E R
EX COSMOGRAPHIA, GEOGRAPHIA,
& Corographia. Cap. XVIII.

- 1  *COSMOGRAPHIA seu Geographia est terra, quæ mundi pars est descriptio, & discipline media Stercometriaque subiecta, quæ terram vniuersam, eiusq; zonas, longitudinem, latitudinem, parallelos, meridianos, & climata describit.*
- 2 *Terræ quinq; sunt Zone uel plage quinq; Cæli plagis respondentēs, una media torrida, duæ extremæ frigida, & glaciales, totidemq; temperatæ inter mediam & extremas interiectæ: omnes uero habitabiles.*
- 3 *Regionum & urbium longitudo, sumitur a terræ totius occasu, qui a fortunatis insulis incipit in exortum.*
- 4 *Latitudo uero ab æquatore sumitur i Septentrione, uel Austru.*
- 5 *Paralleli longitudinis & latitudinis in Geographia, sunt circuli inter seque distantes ab oriente Sole in occidentem producti, qui regionum latitudinem distinguunt, & longitudinem metiuntur.*
- 6 *Atque hi ab umbrarum ratione triplices sunt, Amphiscij, Heteroscij, & Periscij.*
- 7 *Meridiani in Geographia, sunt circuli ab Austro in Septentrione protenti & in polo concurrentes, qui regionum latitudinem dimetiuntur, & longitudinem definiunt.*
- 8 *Clima, quod Geographis horarum inclinatio dicitur, est terre spatium a Solis occasu in exortum extensum, & inter duos parallelos comprehensum, in quo a climatis initio ad finem accidit dies longissimi semihore uariatio.*
- 9 *Corographia, quæ est singularum regionum & urbium descriptio, terram per montes, maria, & fluuios metitur, atque distinguit, tabulisq; describit.*
- 10 *Vniuersus autem Orbis terrarum, in quattuor partes distinguitur Europam, Africam, Asiam, & Americam.*

Finis Libri Primi.

M. ANT.

13

M. ANTONII
BRAGADENI.


PATRICII VENETI.

DE HOMINIS FELICITATE;


VEL

DE RERVM VARIETATE

Liber Secundus.



EX MORALI PHILOSOPHIA
vniuerſe ſumpta. Cap. I.

1  *MNE S* principales discipline, in
quarum cognitione tractationeq; ho-
minis perfectio consistit, admirabilisq;
rerum varietas elucescit, sunt vni-
uerſe duorum generum; nam vel ad
veri contemplationem referuntur, cu-
iusmodi sunt tres iam explicata ſcien-
tiæ inspectrices; vel ad boni consecutionem, ut ceteræ disci-
pline, quæ in actione versantur.

2 Harum autem, aliæ, ad actionem & ad bonum in actione
positum, tamquam ad finem diriguntur, atque huiusmodi est
Moralis philosophia: aliæ vero ad effectiorem spectant,
quarum finis est opus, quod post muneris functionem reliqui-
quitur, ut sunt artes seu discipline effectrices. Quapro-


D pter,

L I B E R

pter, eū de ijs disciplinis hactenus egerimus, qua in veri investigatione occupantur; instituti nostri ratio exposulare videtur, ut de ceteris disciplinis, quæ ad actionem & boni adaptionem pertinent, ac primum de Morali philosophia, postea de Artibus verba faciamus.

- 3 Est igitur Moralis disciplina, philosophiæ pars, & in actione posita scientia, quæ hominum actiones libertati subiectas, quatenus ad virtutem & honestum institui possunt, tãquam subiectam materiam considerat.
- 4 Sunt autem quedam nobis innata Moralis philosophia principia, ex quibus constat, & in quæ postremo dissolvitur; quorum alia ad intelligentiam & cognitionem; alia ad voluntatem & actionem pertinent.
- 5 Distinguitur autem uniuersa Moralis philosophia in tres præcipuas partes, in Ethicam, Oeconomicam, & Politicam; siquidem prudentia, quæ humanas actiones instituit ac moderatur, & idem est re ipsa, ac Moralis scientia, vel in unius hominis actionibus formandis, & quod sibi uni honori atq; utilitati sit, inquirendo ac de eo consultando versatur, ex quo Ethica & singularis prudentia exoritur: vel in aliorum communi procuratione cernitur, quæ duplex esse potest, vel aliorum in una familia quæ Oeconomica & domestica prudentia nuncupatur; vel aliorum in aliqua ciuitate, & ex hac existit Politica seu publica & civilis prudentia.

EX ETHICA, VEL DOCTRINA De Moribus. Cap. II.

- I  **Q**UONIAM cuiusque hominis actiones, quas Ethices recte instituit, ad ultimum aliquem finem referuntur; propterea omnes homines finem aliquem unum, & rerum agendarum ultimum propositum habent; quod, cum optimum sit, per se expetendum est, eiusque causa cetera omnia.

Hoc.

2 *Hoc autem, quamvis ex sententia Arist. in actione perfecta virtuti consentanea positum sit; tamen rectius Theologi sentiunt, summum hominis bonum in aeterni Dei videndi, perfruendique voluptate consistere.*


3 *Ad hunc praestantissimum finem Deo adiutore, virtute duce, probisque actionibus peruenimus. Virtus, est bonus animi habitus in mediocritate positus, & honestis actionibus comparatus; qui in affectibus actionibusque humanis versatur.*

4 *Homines actiones, quae more perficiuntur, probae sunt, cum in rebus rationi congruentibus versantur, ad optimumque finem spectant, & suo loco, ac tempore, ceterisque adiunctis consentanee suscipiuntur.*

5 *Sed, ut oīno probae sint et appetitiones cogitationesque; nostra voluntas divinae voluntati consentanea & similis esse debet.*

EX OECONOMICA, ET POLITICA.

Cap. III.

1  *ECONOMICA seu domestica prudentia, quae bonum familiae spectat, actiones & officia domestica dirigit, id est mariti & uxoris, patris & filiorum, domini & servi.*

2 *Uxor, non est habenda pro serua, sed vitae socia insolubili vinculo coniuncta, & consors administrationis & curae domesticae; tamen femina suapte natura dominari non debet.*

3 *Liberi, qui ex bonis & nobilibus parentibus non semper nobiles, & boni nascuntur, suos parentes reuereri, amare, eisque parere debent.*


4 *Servorum autem munus, est suis dominis subiectos esse atque fideles, eisque omnibus in rebus honestis servire.*

5 *Quamvis enim omnes homines suapte natura liberi sint; tamen ob naturae corruptelam aliqua servitus necessaria est & naturalis. Unde servitutes & bella iuste iure gentium*


instituta sunt: sed de ijs, quæ ad Politicam spectant, uberius & accuratius tribus libris de Rep. postea differemus.

EX IVRE PONTIFICIO.

Cap. IV.

- 1  *UBLICA prudentia, quæ Politicam constituit, distinguitur in partem principalem seu architectonicam, quæ quoniam in legibus con-*
condendis versatur, Nomothetica dicitur; & in
partem minus principalem priorisque mini-
stram, cuius munus, est exequi ea, quæ a legibus iubentur con-
sulendo, vel iudicando: Inter duas has partes interiecta est
legum interpretatio, seu Iurisprudentia, quæ a Nomothetica
dirigitur, & consulentem ac iudicantem facultatem perficit:
sed, quoniam de Nomothetica postea integro libro agemus;
nunc quedam ex iuris & legum interpretatione deprompta,
ac primum ex Iuris Pontificij, postea ex Cesarei iuris pru-
dentia subiiciemus.
- 2 *Summus Pontifex potest explicare ardua negotia sine*
consilio Cardinalium: Idemque solus canonum decretis, sicuti
Princeps legibus, solutus est. ex rub. & c. i. ex. de Const.
- 3 *Canonum decreta obligant Cardinales, & sunt ab omni-*
bus seruanda. ex. c. i. eod.
- 4 *Post completam prescriptionem, etiamsi superueniat mala*
fides, res prescripta non est restituenda. ex. c. significasti. ex.
de prescripti.
- 5 *Furiosus & mente captus, nec etiam ad pias causas testi-*
ari potest. ex. c. cum esset & ex c. relatum ex. de testam.

EX IVRE CÆSAREO. Cap. V.

1  AVSSAE meri imperij, & qua speciatim
tribuuntur, delegari non possunt. ex c. 1. ff. de
offic. eius.

2 Libellus potest emendari etiam post litis con-
testationem. ex l. edita C. de eden.


3 Ius accrescendi inuectum est, ne quis partim testatus,
partim intestatus decederet. ex l. vn. C. quando non pet.
par.


4 Donatio simplex, a patre filio in potestate constituto clar-
gita, in communionem non est conferenda. ex rub. C. de collat.

5 In mutuo tantundem eiusdem generis & bonitatis neces-
sario restituendum est. ex l. cum quid ff. si cer. pet.

EX CRIMI, ET FEVD. MATERIA.

Cap. VI.

1  APTORES virginum in fragranti crimine
a consanguineis deprehensi; impune interfici
possunt. ex Rub. ad l. Inl. de ni pub.

2  Qui habuit animum occidendi, etsi vulnus
tantum intulerit, capitali pena plectendus est.
ex l. is, qui cum telo C. ad l. Corn. de sycar.

3 Ex urgentibus presumptionibus, non licet hominem puni-
re ultimo supplicio. ex l. bene est. ff. si cer. pet.

4 Dominus uasalum innitum fendo priuare non potest. ex
c. 1. de ijs, qui feud. dar. poss.

5 Feudum pecunia acquisitum, uere est feudum. ex c. 1. de
nat. feudi.

EX EFFECTRICIBVS DISCIPLINIS,
siue ex Artibus vniuersæ. Cap. VII.

I



X tribus principalibus disciplinis, quas supra in inspectrices, actiuas, & efficiētes distribuimus, reliquæ sunt nobis effectrices siue Artes consideranda; quæ tametsi philosophia nomine honestande non sunt, cū nec honestum, nec summum bonum propositum habeant, tamen homini ad animum excolendum, in eisq; insignem operum varietatem cernendam, & ad corpus corroborandum, ac præcipue ciuitatibus ad bene, commodè, & cum dignitate viuendum, maximas afferunt utilitates; Quare, ut ordo requirit, & ut antea proposuimus, aliqua ex Artibus depromenda nobis sunt.

2

Artium itaque omnium principium, est ratio & humana intelligentia habitu artis, quæ propterea rerum efficiendarum recta ratio definitur; finis vniuersæ quarūdam est opus, quod post molitionem relinquitur; quarundam vero est sola actio.

3

Artium autem multa sunt genera, nam aliæ ad animum excolendum & infermandum comparatæ sunt, ut Musica, Grammatica, ac reliquæ ingenuo & libero homine dignæ: aliæ ad corpus alendum, tuendum, & conseruandum, ut Agricultura, Ars pastoralis, Venatus, Piscatus, Ars coquinaria, Gymnastica, & Medicina: aliæ ad rem familiarem amplificandam, & ad commoditatem ac voluptatem inuentæ sunt, ut Nauigatio, Ars numaria, Ars fabrilis, Sutoria, Pictura, Cælatura, Sculptura & id genus aliæ: postremo aliæ ad urbē cōstruendam & ciuitatem tuendam repertæ sunt, ut Architectura, Ars militaris, Mechanica seu machinarum disciplina, munitiones &c.

4


Harum autem, quedam principales sunt & quasi domina ceterarum, quas Græci ἀρχιτεχνικάς appellant: aliæ sunt

sunt ministri & quasi ancilla, quæ principali inferiunt. Principes artes, aliæ sunt videntes & imperantes; aliæ non videntes; sed operi efficiendo assistentes: administræ vero, quedam materiam suppeditant & preparant: quedam ex principalis artis præscripto opus consciunt.

- 5 *Denique, ne plures artium divisiones consecuter, aliæ sunt ingenuæ & libero homine dignæ; aliæ sordidæ & illiberales.*

EX ARTE MILITARI.

Cap. VIII.

- 1  *X omnibus artibus, Civitati maxime necessaria est ars militaris; ut cives utroque tempore salvi ac tuti esse possint.*

- 2 *Eius finis est victoria, seu pax; munus vero Imperatoris, est strenue se gerere in bello, & apte ad consequendam victoriam decertare.*

- 4 *In optimo Duce requiritur strenui militis vis & robur, militaris disciplina, & Mathematicarum scientiarum notitia, præsertim Arithmeticæ, Geometriæ, Cosmographiæ, Astrologiæ, & Machinarum cognitio.*


- 4 *Exercitui vero quattuor maxime necessaria censentur, comeatus, bona valetudo, rei militaris scientia, & obedientia.*

- 5 *Comeatus, annona & alimentorum copia paratur; optima valetudo, a Medicis & Chyrgis restituitur, conservaturque copijs castrametandis salubrium locorum selectu; scientia militaris, arte comparatur frequentiq; exercitatione in gymnico certamine perficitur; obedientia vero, legibus retinetur.*


LIBER

EX INSTRUMENTARIIS DISCIPLINIS;

ac primum ex Grammatica. Cap. IX.

- I**  *VMANAE* intelligentiae vis, ita natura comparata est, ut ex ignorantia tenebris ad sapientiae splendorem sine alicuius adminiculo, & quasi instrumento peruenire non possit: id autem est oratio, & ratiocinatio; quae duo nobis sunt instrumenta ad sapientiam comparandam: sed, quoniam ea rudia nobis a natura tribuntur, arte & diligentia componenda & dirigenda sunt, ut scientias constituere, adiscere, & docere possimus; quod instrumentariis disciplinis consequimur, Grammatica, quae orationem, & Logica, quae ratiocinationem dirigit.
- 2** Grammatica enim est ars recte loquendi & scribendi, quae versatur in sola oratione congruenti, eiusque constructione, atque compositione.
- 3** Cognues autem oratio spectatur uniuersae octo partibus orationis.
- 4** Grammaticae quattuor sunt partes, Orthographia, Prosodia, Ethymologia, & Syntaxis.
- 5** Ceterum unicuique linguae quaedam proprietates conueniunt, ut sancte rerum proprietatem, & perfectiorem naturae significationem notare, ac mysteria nominibus continere; graecae multa uno nomine significare; latinae copiosa, pura, numerosa, & concinna oratio; italica vero, suavis, mollis, & comptus sermo.


EX LOGICA. Cap. X.

- I**  *TERVM* instrumentum ad scientias capescendas, est Logica; cuius subiecta materia, sunt rerum secundae notiones, quatenus inferuiunt ad primas explicandas.
- 2** Quare, cum tradat instrumenta sciendi, ad omnes scientias perfecte discendas atque tractandas, omnino necessaria est.

Sunt

- 3 *Sunt autem vniuerse duo perfecta, & proxima certe scientie comparande instrumenta, Definitio, & Argumentatio, ad quæ cetera omnia instrumenta cognoscendi comode reuocari possunt.*
- 4 *Propria vero ac perfectissima argumentatio, est tantum syllogismus, a quo ceteræ tres minus perfectæ ratiocinandi formæ Enthymema, Exemplum, & Inductio necessariam concludendi vim mutuuntur.*
- 5 *Verum ad rerum scientiam speciatim consequendam perfecta instrumenta, sunt Definitio & Demonstratio: Definitio, est oratio, quæ vocis, vel rei alicuius naturam proprie, dilucide ac breuiter explicat: Demonstratio, est necessaria conclusio scientiam afferens, vel ratiocinatio, quæ ex propositionibus, veris, primis, quæ probatione nõ egent, notioribus, prioribus, causisque conclusionis efficitur: eaque duplex est una ex causis, altera ex effectis.*

EX RHETORICA. Cap. XI.

- 1  *X rationis, orationisque conformatione in actione posita, tres vberissimi fructus, & præclarissimæ facultates exoriuntur, eloquentia, seu eius exoranda Ars Rhetorica, Historia, & Poetica.*
- 2 *Eloquentia instructa rebus, est præstantissima facultas maxime utilis & necessaria in omni bene constituta Rep.*
- 3 *Quapropter Orator debet esse omnium rerum humanarum, ac diuinarum cognitione peritus.*
- 4 *Eloquentia enim, quæ non sit cum philosophia & sapientia coniuncta, inanis & ieiuna verborum profusio potius, quam eloquentia censenda est.*
- 5 *Tuebimur præterea quidquid scripsimus in quinque libris, alias a nobis editis, de Arte Oratoria.*

EX METHODO HISTORIÆ.

Cap. XII.

1 **H**ISTORIA, cum homini ad rectam vitæ institutionem & ad civilem prudentiam comparandam; tum Reip. ad rerum gestarum memoriam conseruandam, adeo maximum affert adiumentum; vt non modo utilis, sed etiam necessaria sit.

2 Historia vero, quæ est accurata & perpetua rerum narratio, proprie ac speciatim annalium Urbis narrationem, id est rerum, quæ singulo quoque anno in aliqua Ciuitate, vel regione a ciuibus geruntur, & insignium euentorum expositionem continet.

3 Eius tres præcipue ac perpetue leges traduntur, prima, vt factum & res sicuti gesta est, vere narretur: altera, vt loci Corographia, vbi res gesta est, accurate describatur: postrema, vt tempus adijciatur, ac distinguatur.

4 Historicus autem summo iudicio, summaq; prudentia, & multarum rerum præcipue humanarum cognitione instructus, summaq; eloquentia præditus esse debet; & tenere hominum propria nomina, locorum, & temporum.

5 Historici partes, sunt res gestas vere ac sincere exponere, nihil gratia vel odio ductus commentitium addendo, vel quod memoria dignum sit, prætereundo; atque adeo simpliciter narrare, vt lectori libere iudicandi locus relinquantur.

EX POETICA. Cap. XIII.

1 **P**OETICA, præcipue in fabula, & imitatione sibi propria versatur.

2 Poetica vero imitationis tria oïno sunt genera, quibus alicuius mores effingi possunt, vnâ actionis, alterum
rum

rum sermonis, postremum cantus seu modulationis.

3 *Eius autem species seu forme, septem potissimum numerantur, Epopœia, Tragœdia, Comœdia, Dithyrambica, Auletica, Citaristica, & Orchestrica.*

4 *Tragœdiæ partes, sex numero sunt, fabula, mores, dictio, sententia, apparatus, & melopœia.*

5 *Est autem Tragœdia Epopœia præstantior.*

PRONVNCIATA, in quibus dissentimus a Scolasticis Theologis

D. Thoma Aquinate, Aegidio Columna, Henrico Gandanense, & Ioanne Scoto.



QUONIAM non tam vilius philosophi auctoritas in studijs & disputando, quam rationis momenta spectanda sunt, præstatque vel auctore Arist. semper plurius facere veritatem, quam amicitiam & auctoritatem; propterea ita a principio studiorum nostrorum rationem instituimus, ut nullius sententia vel auctoritati addicti, iuraremus in verba Magistri; sed quid in quoque esset præclarum, probaremus, quod vero minus, repudiaremus. Ea de causa præcipua quedam, in quibus a præstantissimis philosophis dissentimus, proponimus excutienda.

1 *Dens Opt. Max. præpotenti sua vi, re ipsa potest efficere aliquid infinitum, quod sit continuatum vel deiunctum.* *Negat sere oñs.*

2 *Angeli, numero differunt, non autem specie.* *Negat D. Th. 1. p. q. 5. ar. 4.*

3 *Beati, non ita necessario delectantur, ut Dei vi absoluta delectatio ab eis separari non possit.* *Ait Aegid. q. d. l. 5. q. 8.*

4 *Res create, ex æternitate non fuerunt præditæ essentia distincta a diuina natura, qua referrantur ad Deum tamquam ad exemplar.* *Ait Henr. q. d. l. 1. q. 8. & quod. 3. q. 9.*

5 *Diuina essentia, nullo modo videri potest absq; personis.* *Ait Scot. 1. sen. d. 1. q. 2. art. 2.*

Ab Academicis discrepamus in ijs.

I



Uniuersalia non sunt idæ separate.

Nostra sciētia nō est a natura recordatione.

2

4

*Cælum non constat ex elementis, vel ex purissima natura
& eminentijs qualitatum elementorum: nec item cælestes
orbes, nec singule stelle anima proprie constant, quæ sit eius-
dem generis cum hominis anima.*

Sensus est perceptio, non autem actio solius animæ.

A Peripateticis Græcis

Alexandro, Ammonio, Philopono, Simplicio, & Themistio.

2

VATTVOR prime qualitates non sunt ele-
mentorum forme essentielles.

1

Definitio, non autem demonstratio est præstantius instrumentum sciendi.

*Non est imminuta & manca Natura defini-
tio tradita ab Arist. nec alia verba addenda sunt.*

2

Natura non est tantum principium patiendo; sed etiam agendi eiusq; definitio optime congruit anime.

2.

Cor non est instrumentum sensus tactus.

Positiones aduersus Peripateticos Arabes

*Auicembron, Auempacem, Alpharabium, Auicennam,
& Auerroem.*

٥٠.



OLVS Deus non producit & efficit res inferiores, sed etiam naturales causas efficientes, vi sua conspirant ad res producendas.

ap.

*Ultimæ sphaera non modo tribuendus est locus
intra*

intra se, sed etiam extra se.


3 *Materia prima non habet imperfectam formam corporis sibi coeuvam.* Ait Auc. 1. fine inst. cap. 2. & 2. tract. met. c. 2.

4 *Propria hominis forma non est cogitandi vis a mente & intelligentia distincta.* Ait Aver. li. 3. d. ant. com. 5. & 6. 20. 33.

5 *Animal ex putredine & ex semine procreatum, est eiusdem speciei.* Idem repat. 8. phy. com. 46.

Aduersus opinionem Peripateticorum Latinorū.

Boethij, Alber. mag. D. Thome, Aegidij, Scoti, & Ochani.

1  *ERVM status seu existentia, re ipsa non distinguitur ab essentia.* Aiant plerique Latinitum.

2 *Totum, non est aliqua natura ab ipsis partibus re ipsa distincta; sed est ipsa met copulatio partium.*

3 *Cognitio quinque Vocum non modo est utilis, sed omnino necessaria ad Logicam addiscendam.* Neque Boet. in pto. porph. a se trant.

4 *Cum corpus vivens augetur, uniuerse non manet eadem numero viventis forma.* Ait Alber. opus. de nutrit. 1. c. 2. & tra. c. 1.

5 *Materia prima, non est pura potestas.* Ait D. Th. 2. 86. d. 12. q. 1 p. q. art. 2. ad 3.

6 *Principium constitutionis individui, non est materia, sed forma.* Ait idem p. q. 3. ar. 2. & 3. & Aegid. in qd. q. 11.

7 *Principium & causa cur aliquid volumus, non est res ab intelligentia cognita, sed voluntas est causa efficiens suarum appetitionum.* Idem 5. quod. 7. 16.

8 *Anime facultates nec sunt idem omnino cum subiecto, nec ratione tantum; sed re ipsa distinguuntur.* Ait Scot. 2. fen. d. 16. q. 1.

9 *Species rerum, quae intelligi possunt, non imprimuntur nostra intelligentiae.* Ait idem 1. fen. d. 3. q. 6.

10 *Malum, quia malum est, sub voluntatem & appetitionem nostram non cadit; sed quoniam id, tamquam natura contrarium volumus atque refugimus.* Ait Ochani. 3. fen. d. 13.

Ad-

Aduersus opinionem Interpretum Iuris Pontificij.

Gloss. 10. Andr. Innocent. Abbat. Felin. & Deci.

1 Aiant fere om-
nes gl. & Ab. in
c. Eccles. 5. Mar-
ter. personar. ex
de constit.

2 Ait To. And. i. c.
fi pater, de test.
in 6.



ATRIMONIUM Clericorum non gaudet
privilegijs ecclesiasticis; sed ea tantum bona,
quorū titulo Clerici sacros ordines susceperūt.
Compendiosa substitutio facta impuberi a
pagano uerbis directis sustineri non potest post
pubertatem.

3 Ait Innoc. in c.
ecccū de iudi.

4 Ait Abb. in c. cū
sit gener. 4. de
for. compet.

5 Negat Felin. in
c. 1. de iudi. ex
de pact.

6 Negat Dec. in c.
in pignora nu.
21. de probat.

Ecclesia iure non debet cognoscere quancunque oppressio-
nem Clericorum & pauperum: unde qui inuadit patrimo-
nium Clericorum, non sortitur mistum forum.

Pactum nudum parit actionem ex iure canonico.

Conditio, si decesserit sine liberis, vera est in Ecclesia,
non in filijs naturalibus.

Aduersus opinionem Interpretum Iuris Cæsarci.

Accur. Bart. Bal. Alex. & Dec.

1 Aiant fere oīs.

2 Negant omnes
antiq. & Accur.
in auth. nisi tri-
cennale. C. d. bon.
mater.

3 Ait Bart. in an-
t. cessante C. d.
leg. hær. l. post
confang. 6. hær.
ed. n. d. l. g. hær.

4 Ait Bal. in l. hu-
manitatis. inui-
tum 5. col. ver.
4. opp. C. de im-
puber.

5 Negat Alex. in
l. 1. nu. 37. ff. h.
ser. pet.



VPILLARIS expressa non excludit ma-
trem a legitima.

In iure civili ex prescriptione non solum ac-
quiritur utile, sed etiam directum dominium.


Filijs fratrum, si nullus patruus existat, pro capite, non
autem pro stirpe adeunt patrum hereditatem: pater vero,
cum reliquit aliquid filio nomine legitima, non videtur reli-
quisse iure institutionis.

Proprie creditor est is, cui ex legato, vel ex delicto ali-
quid debetur.

Rubrica generalior nigro, nō semper restringitur a nigro.

5 Ait Dec. in l. 1.
h. h. ser. pet.

PARADOXA.

1  ONESTVM propter voluptatem est expetendum.

2 Omnia fortuita, sunt omnino necessaria.
3 Qui vnum non intelligit, nihil intelligit.

4 Calum, quod perpetuo mouetur, semper quiescit.

5 Terra, cum grauiſſima ſit, omnium leuiſſima eſt.

6 Dimidium plus toto.


7 Mors eſt in bonis numeranda.

8 Melius eſt otioſum eſſe, quam nihil agere.

9 Aequalitas omnia perdit.

10 Qui vult calum aſcendere, debet e calo deſcendere.

PROBLEMA.

1  TRVM Deus humanam carnem aſſumpſiſſet, niſi Adam peccaſſet.

2 Vtrum quantitas continua infinite ſecari poſſit.

3 Vtrum ſit Fatum, Caſus, & Fortuna.

4 Vtrum ſit vna ſcientia Mathematica, communis Arithmetica, & Geometria.

5 Vtrum pecuniarum copia ſint appellanda diuitie.

6 Vtrum ius accreſcendi præcipue oriatur a mente teſtatoris, an ab ipſa lege.

7 Vtrum donatio omnium bonorum præſentium & futurorum facta eccleſie ab homine ſui iuris, ſuſtineri poſſit.


8 Vtrum ignorantia competat beneficium reſtitutionis in integrum contra præſcribentem, ex clauſula, ſi qua mihi iuſta cauſa.

9 Vtrum Logica ſit ars, vel ſcientia.

10 Vtrum natura vniuerſalis equaliter & pari ratione, an ab vno dicatur de quinque vocibus.

ÆNIGMA.

ÆNIGMATA INTERPRETANDA.

- Phil. 7. v. 16. 1  *T* erit firmamētum in terra in summis montium.
Zoroast. 2 *P* atrna mens cunētis inſeminavit vinculum
Triton. 3 *U* ni grauis amoris.
Orpha. 4 *E* t extra ipſum quidquam, & ipſum extra
Etn. 5 *q* uidquam.
T res ſunt Mundi Principes, trium ordinum domini, Ori-
maſis, Miſbris, Arimanis.
A nima viuit cum Saturno, cum Ioue, Marte, Venere, &
M ercurio.


Finis Libri Secundi.



M. ANTONII
BRAGADENI,
PATRICII VENETI,
DE HOMINIS FELICITATE
Liber Tertius.

IN QVO

DE REPUBLICA DISSERITVR.



De felicitate in actione & Reip. administra-
tione sita. Cap. I.



HOMO, qui solus ex omnibus animanti-
bus natura factus, diuinoq; consilio de-
stinatus est ad eternam felicitatem; ut
hic primum eam meditari, perfectoq;
vinendi modo imitari posset: deinde in
caelestium consortio ea fruere-
tur a quo sempiterno; hoc precipue singulari munere
donatus est, quod Præpot. Deo similis effectus sit, ac totius di-
uinitatis imaginem præ se ferat. Nam quemadmodum eter-
ni Patris fecunda memoria, Filij intelligentia, & Sacri Spi-
ritus amore diuinitas omnis continetur; ita homo ad totius
diuinitatis adumbratam imaginem referendam, triplici ani-
mi facultate, Dei concessu ac munere præditus est, memoria,

F

intelli-

L I B E R

intelligentia, & voluntate. Harum vi humana mens primum se ipsam novit & amat: deinde rerum conditarum naturam perscrutatur, in ijsq; diuinitatis vestigium intuetur: postremo Deum summum opificem agnoscit, cum ipsoq; arcto amoris vinculo copulatur; ex quo hominis animo insidet inustum diuine Trinitatis simulacrum. Est autem homini cum DEO similitudo, tum quia iustus, rectus, atque immortalis animus est ei ab immortali Deo datus, & virtutis amor ac studium ingeneratum: tum quia rationis beneficio singulari, animantes rationis expertes longe antecellit; quin omnium rerum, quæ intra Lunæ complexum continentur, administrator & princeps a Deo constitutus est; ut qui conditorem suum multis alijs rebus maximisq; muneribus exprimeret, summum eius imperiũ ac providentiam imitando, eiusdem similis etiam potestate & gubernatione redderetur. Quemadmodum autem in diuina providentia adeo summam potestatem, sapientiam & bonitatem agnoscimus; ut Deum cuncta posse, scire, ac velle exploratum sit: ita homo triplici habitu efficiendi, contemplandi, & agendi, quibus, ingenium, mentem, ac voluntatem perficit, & vniuersa cognoscere, efficere, ac moderari potest; ad summam Dei providentiam & similitudinem accedit. Nam primum earum rerum, quas natura nobis occultauit inuestigatione, ceterarumq; plane omnium, quæ in celo, mari, terrisq; reperiuntur, contemplatione diuinarumq; rerum scientia, homo diuinam sapientiam emulatur: deinde viribus ingenij, quibus in artium effectionibus, eius manu atque opera accedente, ex rudis materia insignia rerum simulacra effingit; summam Dei potentiam modo quodam adumbrare videtur: postremo virtutibus adiunctis, honestisq; actionibus sponte susceptis, rerumq; ciuiliũ administratione, diuinam bonitatem ac procuracionem imitatur, insignemq; immortalis Dei similitudinem refert; ut iure mortalis Deus in terris sit, ac dici mereatur. Quocirca ei, qui diuinam hanc similitudinem, quæ summa est hominis perfectio atque felicitas, exprimere & consequi studet; non satis est

tis est umbratilem solitariamq; vitam in rerum contemplatione positam degere, vel in artium operibus tantum elaborare; sed par est in primis præclaris actionibus illis insistere, quibus, & sui, & aliorum hominum mores formantur, & familia bene instituitur, & Resp. recte administratur. Quæ quoniam ex Ciuili scientia deriuantur, satiq; de rerum multiplici cognitione, & de artium operibus, duobus libris De Rerum Varietate diximus, quibus Dei sapientiam & potestatem insitam emulamur; nunc ut similes Deo vndeque pro viribus esse possimus, de Reip. procuratione & Legibus, quibus diuinam administrationem imitatur, differendum est: implorato tamen prius Dei auxilio, a quo tum omnium maximarum rerum, tum præcipue Ciuitatum principia ducuntur.

De prima constitutione Reip.; ac primum
Quid sit Resp., quid Ciuitas, & quæ huius
primordia. Cap. II.



ESPUBLICA, est recta magistratuum & ciuis præcipue, qui summam obtinet potestatem constitutio, totiusq; ciuitatis ad communem felicitatem legibus moderata descriptio.

Ciuitas vero, quæ Reip. subiecta materia existimatur, nihil aliud est, quam familiarum necessariarumque rerum suadente natura in vita communione, vnius Urbis legibus congregatarum, ad bene beateq; viuendum summa potestate administrata multitudo.

Quæ ab immortali Deo a primo ortu profecta est: deinde a natura paruis inijs inchoata: tum hominum mutuis rerum & officiorum indigentis constituta, & legibus ad extremum aucta, temporisque diuturnitate ad summum decus & ornamentum euecta.

Nā principio idē oīum parēs Deus, cū vniuersum Orbē terrarū tāquam magnā Urbē & cōc domiciliū hoīum condidisset;

a se cōstitutū ēt voluptatis omniumq; commodorum locum dele-
git, qui terrestris Paradisus appellatur, tamquam Urbem &
solam civitatis, in quo genus humanum vitæ ac rerum cōione
conseruaretur: in eoq; hominem collocavit, ut quemadmodum
ipse alijs imperitur bonitatem suam immensam; ita homo vir-
tute præstans, & sapientia communicaret, & iustitia atque
prudencia esset alijs adiumento: atque hoc modo recte agen-
do, Urbem diuino munere concessam inueneret & custodiret.

Anatura vero ciuitas originem ducit, quoniā homo est ani-
mal suapte natura ciuile, aptum ad cōtus, natumq; ad agendū:
deinde, quoniam congregationum instituendarum causā, ho-
minem ex omnibus animalibus solum, rationis atque sermo-
nis natura voluit esse participem.

Nam ratione primum homines quid bonum, malumue sit
sentiunt; quid iustum, quid iniustum tacito sensu diiudicant;
quod arbitrantur bonum tamquam suarum actionum scopum
sibi proponunt, & ut adipiscantur omni studio atque labore
contendunt: hoc autem, quamuis ex tribus bonorum generibus,
quibus perfectā felicitas cōtinetur, tantum in animi bonis po-
situm sit; cum sola virtus beatum hominem efficiat; tamen si
corporis & fortunæ bonis cumuletur, facile intelligunt fore
beatissimam vitam, longeq; incandorem. Quare ut his vir-
tutis ornamentis & rerum externarum copys homines aban-
darent, vnum in locum congregati, in vitæ ac rerum commu-
nitate coaluerunt.

Iam vero natura ingenerauit homini libidinem cōiunctio-
nis & procreandi appetitum, ratioq; suadet homini cum his
incunda, ut filiorum susceptione in illis oris & animi sui effi-
ciem interiri, seq; immortalem in genere conseruare sibi possit:
ex ista, quæ natura præcipit, quendam amorem & curam
eorum, quæ procreata sunt; ut summa ope nitantur parare ea,
quæ necessaria sunt ad cultum & vicium, quæ homini in soli-
tudine atq; in agro vitā degenti suppetere nullo modo possunt.

Oratio vero, homini est a natura tributa ad explicandum
quid

quid bonum, quid utile, quid honestum, quid iustum, quid iniustum, & animi sensa inter nos communicanda docendo, rationando, disceptando, iudicando; quod hominem homini conciliat, denique; naturali quadam orationis & vita societate.

Denique, vita necessitate cogente & opportunitatibus ac rerum egestate, sunt hominum constitutae societates; ut cum rerum permutatione & affluentia: tam dissimilium officiorum vicissitudine homines sibi mutuo predesse possent. Atque ita Dei, Naturae, & Hominis conspiratione Civitas constituta est.

De partibus Civitatis, ac primum
de Familia. Cap: III.



CIVITAS omnis duabus ex partibus conflatur, ex familijs, & vicis; quae sunt seminarium civitatis, & initia nascentis Reipublicae.

Familia, est plarium patrisfamilias imperio subiectorum, & rerum domesticarum ad vitam quotidianam, & privatam utilitatem naturalis societas.

Omnis autem familia conficitur uniuersè duabus ex partibus personis, & re familiari.

Personae, sunt paterfamilias seu maritus & dominus, uxor seu materfamilias, liberi, & serui: ex quarum varia copulatione tres existunt minima familiae partes, ac primae consociationes specie distinctae, una domini & serui ad usus & commoda vitae quotidianae, iure atque natura constituta, quae herilis potestas seu dominatus appellatur; altera viri & uxoris procreationis & speciei conseruationis causa, naturali coniunctione copulata, quae uxoria seu coniugalis potestas dicitur: postrema patris & liberorum, agnationis & iure sanguinis iuncta, quae patris potestas nuncupatur.

Res autem familiaris, domicilium & opes complectitur. Domicilium seu domus, est tectum, quod homines initio necessitate coacti, sibi exedificarunt ad vitae usus & commodam, et ad
pro.

propulsandas cæli iniurias, ferarumq; incurfiones; quod principium & origo Urbis exiftit.

Opes & res familie neceffariæ, funt ea omnia, quæ ad priuatum cultum, ad victum, & ad curam domesticam pertinent.

Quæ duplici ratione parantur, vna naturali & arte perfecta, quæ in alimentorum, & rerum querendarum fcientia verfatur, vt agricultura, venatu, aucupio, pifcatu, & id genus alijs: altera artificiofa tantum, quæ lucrum & quæftum, atque pecuniam & artem parandarum diuitiarum propofitam habet, vt artibus & opificijs.

De Vico. Cap. IV.



ALTE RA pars Ciuitatis, eft vicus, qui defcribitur plurium familiarum coherentium & vnius feniore poteflatis ob fanguinis coniunâionem fubieâtarum, diuturni vfus cauffa confociatio.

Nam, ficuti ex pluribus perfonis in vna domo, certa æconomia fociatis, conflatur familia; ita ex multis continuatis propinquorum familijs, & a viro maximo natu adminiftratis, vicus coalefcit.

Cum enim viri atque uxoris coniugium, liberorum procreatione, confecutæ effent fratrum, fcorumque coniunâiones: poftca nepotû, & patruclium: tum confobrinerum & fobrinarum affinitates, & ab vna radice familie plures propagatæ effent; nec vnius domicilij tecto omnes stare poſſent; alias domos priori coherentes ob vite neceſſitatem ſibi conſtruxerunt, & ex prima in has exierunt, ſeniore tamen imperio ob agnationis vinculum obtemperantes: ita domorum continuatione, & familiarum coniunâione vici extiterunt.

Sed, cum temporis diuturnitate, celebratis connubijs, late propagarentur, adeoque multiplicati homines excreeſcerent, ut in vicis ac pagis capi non poſſent; in vnâ urbem ac ciuitatem

tem legibus temperatam communi consensu coiuerunt: atq; ita maris & femine prima coniunctio, quæ familia nuncupatur; & propinquorum propagatio, ex qua vicus effluxit, principium est & origo ciuitatis.

De rebus communibus, & necessarijs in Ciuitate.
Cap. V.



QUONIAM, qui primum ab incultiori vita ad civilem societatem traducti sunt, non modo viuendi, sed etiam bene viuendi causa in unam Urbem conuenerunt: propterea quæ necessaria sunt ad uictum, & cultum, ac dignitatem, & quæ cunque pertinent ad commodè, bene, beateque uiuendum, in ciuitate omnino suppetere debent: sordida enim planeque misera eorum uita futura est, si quæ necessitas tantum expositulat, nõ etiam quæ dignitas & ornatus, illis civilis communitio suppeditet.

Hæc autem dabit agricultura primum, quæ parantur alimenta ex ijs, quæ intra, extraque nascuntur: deinde merceatura, quæ navigatione & uectione eorum, quæ importantur & exportantur, ac rebus contrahendis, & permutandis, mercium & rerum copiam affert ciuitati: postremo artium uaria genera & opificia, quamplurima commoda, ornatum, & rerum omnium affluentiam artificum opera in ciuitate subministrant.

Quis optimus sit Reip. finis. Cap. VI.



QUONIAMQUE optime Reip. finis propositus, est summum bonum; cum enim societas omnis boni alicuius causa constituta sit; ea uel maxime, quæ princeps est, & ceteras omnes continet, cuiusmodi est ciuitas, summum præcipuumq; bonum propositum habere

bere debet : omnium autem præstantissimum est diuinus cultus , seu vita cum virtute coniuncta , quæ habeat homini quod satis est ad bene beateque viuendum , tantumque rerum externarum copijs abundet , vt qui in civili societate viuit , actiones virtuti cõsentaneas commode , ac diuturne exercere possit.

Sed intelligendum est , magis bonorum animi , quam corporis & fortune rationem habendam esse ; siquidem virtutes non a bonis externis ; sed externa ab animi bonis quaruntur , & conseruantur , & beata uita potius ad eos pertinet , qui moribus virtutumq; , ornamētis instructi , longe ceteros antecellunt , & modica diuitiarum habent adiumenta ; quam , qui virtute & veris animi bonis destituti , maximis externorum bonorum copijs abundant.

Quare , cum optimas quaq; Resp. beatam vitam propositam habeat tanquam rerum agendarum ultimum : unicuique ciuium publice , ac priuatim , optimum vite genus cum virtute coniunctum maxime expetendum est , atque incundum.

Nam facile intelligi potest , tum denique optimam ac perbeatam fore ciuitatem , cum huiusmodi finem fuerit consecuta .

De Reip. effectricibus causis . Cap. VII.



FFICIENTES Reip. causæ tres eadem sunt , quæ & ciuitatis , DEVS , Natura , & Hominis prudentia , sed ratione diuersæ .

Primum itaque Deus , cum summum optimumq; imperium teneat vniuersi Orbis terrarum , et hominem totius Mundi quasi magnæ ciuitatis ciuem & administratorem effecisset ; rectam ciuium rerum procurandarum rationem ei commonstrauit , eumque sue administrationis imitatore constituit .

Natura vero iusti atque iniusti notitiam , qua omnis Resp. continetur , animis nostris ingenerauit : deinde insitam prudentiam & vim ad prospiciendum , consulendumq; , tribuit : postremo

stremo in rerum naturalium serie, & ceterorum animantium principatu, Reipub. bene administranda speciem quandam ac imitationem proponit.

Denique Hominis prudentia leges condit, principatum & magistratus constituit, iura ciuilia describit, mala imminencia prospicit & propulsat, ius dicit, omnemq; ciuitatē moderatur.

De forma Reip. seu de hominis imperio.

Cap. VIII.



OMINIS imperium, quod ei non modo in bruta animantia, sed etiam in ceteros homines singulari munere a Deo concessum est, uniuerse duorum est generum, vnum naturale, alterum ciuile.

Naturale, est hominis consilio & virtute prestantis inter alios virtute atque prudentia inferiores a natura constitutus dominatus.

Nam, qui ratione & prudentia prestat, & consilio potest longe prospicere, ille iure natura preest & imperat; qui vero munitus est a natura viribus corporis ad consilij iussa obeu ada & exequenda, natura paret & seruit.

Ciuile autem, nihil aliud est, quā legitima & summa vnius, vel plurium ad communem subiectorum salutem, ciuitatis recte administranda ciuium consensu tradita potestas.

Hoc imperij genus, vel legibus & iure ciuili, vel sorte, vel sanguinis & hereditario iure, vel delectu & suffragijs deferatur: eadem est ratio seruitutis.

Ceterum ciuile imperium, necessario constat ex principe & subiectis populis, seu administratore & ciue ac plebe; quorum alter sine alterius ope, nullo modo potest consistere.

De Principe & gubernatore. Cap. IX.



PRINCEPS, est summus rerum civilium administrator, iure civili constitutus, qui subiectos populos apte ad optimum & commune bonum dirigit.

Atque is in civili hominum societate omnino necessarius est; ut communi bono prospiciat, ius dicat ceteris civibus, & multitudinem a potentioribus tueatur.

Optimi principis munus, est præcipere, præmijs afficere, summos cum infimis coniungere & pari iure retinere, summoque cum honore præesse.

Hic vero, cui Reip. gubernacula comissa sunt, generatim due præcipue virtutes necessaria censentur, probitas, & copiose loquens sapientia.

Probitas quidem & vitæ integritas, quia Principum vitijs inficitur civitas uniuersa, virtutibus autem, ut pietate in Deum, iustitia, æquitate, fortitudine, temperantia, clementia, & liberalitate perficitur & conservatur; cum enim cives Principum morum assidue spectatores & imitatores existant; qualescunque principes & summi civitatis viri sunt, tales ipsi quoque plerunque solent evadere.

Prudentia vero desideratur & non indiferta doctrina, ut ea longe prospiciat, prudenter saluti Reip. consulat, leges constituat, cum dignitate sententiam dicat, iura describat, bonos tueatur, laudet virtute claros, vituperet improbos, & summam dignitatem æquet rationis præstantia, & orationis splendore illustret.

Qua omnia principis munera absque eruditione, eloquentia, & probitate recte obire non potest, nec laudem aut honorem meretur; cum hæc virtuti præcipue debeantur.

Quid sit ciuis, & cuiusmodi esse debeat.
Cap. X.



CIVIS generatim, est homo liber ac socius vite ac rerum communione, qui legibus vivit & immunitatibus civitatis pro suo iure fruitur.

Civium plura sunt genera; nam alij quodammodo ciues nominantur, ut ij, quibus inter ipsos est officij iurisq; societas, & eiusdem Urbis ac vite communio; sed eis non patet aditus ad honores & magistratus: alij sunt ciues simpliciter ac proprie, qui ciuis nomine maxime digni sunt, ut ij, qui iudicij, magistratusq; possunt esse participes.

Utilis autem civitatibus, salutarisq; ciuis, qui aliquando preest & imperat, aliquando paret, tribus precipue virtutibus praeditus esse debet, temperantia, fortitudine, atque iustitia prudentia moderatis.

Temperantia, ut cum prosperis in rebus, tum in aduersis modum adhibeat, omnibusque in rebus sciat inter nimium ac parum servare mediocritatem.

Fortitudine, ut Reip. salutis causa, considerata pericula animo infracto suscipiat, mala & incommoda patria obuenientia, & quicunq; casus inciderint, eos perferat toleranter; semperq; Remp. siue bellicis in rebus, siue in urbanis difficultatibus quassatum & circumventam, omni studio & contentione adiuuare conetur, consilio, & auctoritate subleuet, succurrat saluti communibus facultatibus, opibus, amicis, & oblitus salutis & commodorum suorum, omnes labores & cruciatus perferendos, mortem denique ipsam appetendam potius existimet, quam officium & pietatem in patriam deserat.

Iustitia denique, ut ius cuiusq; & equalitatem omni ratione colendo, & retinendo pulchre, honeste atque legitime regat, & gubernetur; & optimi rectoris, ac boni subditi explere possit officium.

Ciuis autem simpliciter bonus, & omni ex parte perfectus, cunctis virtutibus instructus esse debet.

Munus vero optimi ciuis, est magistratui obtemperare, leges seruare, religionem colere, pacem inter ciues atq; concordiam retinere, & publica officia domi forisque recte & apte exequi ad ciuitatis utilitatem.

Vnde in vna quaque Rep. praeclari ciues habentur, qui bene imperare & parere possunt.

Diuerfam quodammodo esse virtutem boni viri & omni ex parte boni ciuis; simpliciter vero eandem. Cap. XI.



ROBI viri & quodammodo boni ciuis omnino eadem virtus censenda non est: nam, cū varie sint Rerump. formae, vna consimilis omnium ciuium, virtus esse non potest; siquidem ciuium virtus ad cuiusq; Reip. peculiarem administrationem referenda est atq; accommodanda.

Præsertim, cum boni ciues aliqua parte illi etiam habeantur, qui solertia atque ciuili prudentia insita a natura, vsuq; comparata præstantes; optime in male constituta Rep. versantur, tamen si virtutem non sint affecuti, ex qua solum viri boni proprie nominantur.

Neque vero cuncti vna eademq; virtute præditi esse possunt, nisi etiam sint ciues vniuersi similes omnino inter se; quod fieri in vnaquaq; Rep. nefas est: ciuitas enim ex plurib. personis, dissimilibusq; rebus, partibus, & muneribus a ciuibus aptis administrandis constituitur.

Ceterum virtus simpliciter boni ciuis, qui in bene constituta Rep. ex legum salutarium præscripto magistratum gerit, eadem simpliciter est ac boni viri, & non nisi ratione vir bonus ab optimo ciue discrepat; utrique enim solida ac germana virtus proposita est, quā ambo omnibus in rebus honestis actionibus

nibus adipisci conantur.

Quoniam vero demonstratum est eandem simpliciter boni viri cuiusq; optime Reip. esse virtutem; profecto eadem ratione, ij sdemq; rebus vir & ciuis simpliciter bonus efficitur, quibus regalis potestas, aut optimatum, & populorum optimorum ciuitas constituitur, atque perficitur.

De plebe. Cap. XII.



LEPS, est infimorum hominum Urbem salutis causa inhabitantium, & Reip. legibus subiectorum, in vita cōmunitate congregata multitudo.

Cuius precipua munera, sunt legibus & magistratibus parere, timere, honore afficere, antiquissimamque habere patriæ & ciuitatis salutem.

Plebis autem partes, sunt quattuor ceteris prestantiores & pacis præsertim tempore necessaria, agricolæ, artifices, mercatores, & mercenarij.

Totidemque sunt ad bellum utiles, equites, grauis armaturæ milites, leuis armatura pedites seu ferentarij, & nautici.

Cum enim duo genera praliorum sint, terrestre, & nauale; terrestre eget equitatu & peditatu; peditatus autem, vel est grauis, vel leuis armaturæ: Naualis vero expeditio requirit plures nauticarum rerum peritos.

Finis Libri Tertij.



M. ANTONII
BRAGADENI.
PATRICII VENETI,
DE HOMINIS FELICITATE
Liber Quartus.

DE DIVISIONE, ET GENERIBVS RERVMP.
ac primum

Quot, & quæ sint imperiorum genera, vel Rerump.
formæ. Cap. I.



QUONIAM Resp. est ordo multorū Vr-
bem inhabitantium, & plurium in com-
muni cœtu legibus sociatorū multitudo:
pro dissimili ordine, varioque statu ho-
minum, qui ad Remp. constituendam con-
spirant; variæ quoque Rerump. formæ,
& dissimiles administrationes existunt.
Harum autem quedam simplices ac primæ sunt; quedam
hominum arbitratu ex simplicibus permixtæ.

Simplices, omnino tres numero sunt optimæ & rectæ, Re-
gnum, Optimatum status, & Resp. popularis legibus tempera-
ta: totidem item prauæ & rectarum conuersiones Tyrannis,
Paucorum factio, & Popularis potestas sine legibus.

Neceffe est enim in ciuitatibus vnum esse, penes quem sum-
mum sit imperium, vel paucos, vel certe multos. Si vnus iure
legitimo rerum potiatur, publicæq; utilitatis causa præsit;
Rex regaleque imperium appellatur: quod si vi & iniuste is
teneat

teneat principatum, omnia ad suam utilitatem rapiens; Tyrannus tyrannicumque imperium dicitur: si vero pauci virtute praestantes ad communem populorum salutem, imperium dirigunt; ij optimates & optimorum potestas nuncupatur: cū autem ij suis commodis seruiunt; pauci potentes & paucorū locupletum factio exoritur: denique si multi optimis legibus imperant, & id quod optimum est ciuitati procurant; existit ea, quae communi Reip. nomine honestatur: si vero pauperum commodis consulunt, & bonum commune non spectant; sed sine legibus pro libidine administrant, popularis potestas efficitur.

Harum, tres imperiorum formae Regnum, Aristocratia & legitima Resp. cum bonae & iustae sint, vere ciuitatis & Reip. nomen tenent; reliquae vero tres praeuae, sunt potius degeneraciones & corruptelae administrandi, & verbo, non re ciuitates ac Resp. nuncupantur.

Miste autem Resp., pro varia ex simplicium permistione, variae & multiplices existunt.

De optimo vnius dominatu, vel de Monarchia, & Regno. Cap. II.



PTIMVS vnius dominatus, in duas imperandi formas distinguitur, in Monarchiam, & Regnum: qui enim totius est Orbis terrarum dominus, moderator, & arbiter; is Monarcha, eiusq; dominatus Monarchia proprie nuncupatur: qui vero summa quidem potestate praestat, sed in una vel pluribus tantum certis ac definitis ciuitatibus; is Rex uel Princeps, eius vero status & administratio, Regnum & Principatus appellatur; sed utriusque est eadem pene ratio; quare de Regno potissimum uerba faciemus.

Regnum, seu regia potestas, est rectum vnius iuste regentis populos libere obtemperantes, initio fruendae iustitiae & salutis causa a multitudine institutum imperium:

Quod

Quod suapte natura longe omnium optimum ac præstantissimum existimatur: est enim diuini, ac naturalis imperij simulacrum. Nam, quemadmodum unius præpot. Dei providentia, omnis Mundus administratur, & diei unicum Solem, nocti uero Lunam, cunctisq; congregabilibus animantibus regem unum præesse cernimus: ita consentaneum est unum summum atque præstantem inter homines obtinere principatum.

Hæc autem procuratio, cum præclara est & salutaris; tum diuturna esset, si in demortui Regis optimi locum, alius æque probus ac uirtute præstans sufficeretur: sed quoniam optimo Regi alius improbus plerunque succedit; propterea in tyrannidem aliquando defleat.

Optimus autem Rex, est uir bonus ac princeps, iure civili constitutus, qui publicis commodis consulit, & subiectos populos apte ad summam felicitatem gubernat.

Eius finis propositus, est ciues uirtutibus ad felicitatem perducere: Munus uero, est ciuium communi saluti atque utilitatibus studere, & accommodare ad eorum beatam uitam administrare.

Subiecti ciues, sunt liberi homines iuris & uitæ communione sociati, unius imperantis salutaria iussa libere capefcentes, & uirtute atque ratione administrati.

Multitudo uero, est id populi genus, quod suapte natura accommodatum est ad imperium hominis uirtute præstantis æquo animo perferendum.

Est autem regnum uetustius & omnium primum constitutum imperium; cum enim initio, quo homines mutuis officiis uitam degere in communi societate ceperunt, quisque proprijs commodis seruiret, publicis uero nemo consuleret, & tenuiores propter imbecillitatem a potentioribus circumuenti præmerentur: ad unum probata uirtutis atque iustitiæ confugerunt, eumque Regem, vel potius curatorem, & suarum controuersiarum arbitrum delegerunt; ut communi utilitati prospiceret, & opibus inferiores a locupletum ui atque iniurijs tueretur,

reus, eoque duce suum quisque tenere, & suo iure pacate frui possit.

De tyrannide, vel prauo vnus imperio.

Cap. III.



TYRANNIS, est regie potestatis deprauatio, vel iniustus & vi acquisitus vnus pro libidine ac priuata utilitatis causa populis veluti seruus imperantis dominatus.

Qui prauus atque iniquus & non naturalis est, cum a recta imperandi ratione sit quadam aberratio, nec ciuium consensione, aut iure aliquo ciuili; sed fraude, vi, ac repugnante natura constitutus sit.

Quo fit, ut maxima quoque huius imperij vis, diuturna esse non possit: qui enim vi oppressos imperio coercent, cum omnium ciuium odium contra se concitarint; eorum vitam omni ex parte oppugnatam esse; eorumque ceruicibus mortem perpetuo imminere perspicuum est.

Tyrannis autem nomine intelligimus vnum summum & iniustum dominum vi in ciuitate effectum, qui spretis diuinis, gentium, & nature legibus, liberis hominibus imperat ut seruis, & alienis opibus ut suis ad libidinem & propriam utilitatem abutitur.

Ei subiecti populi, sunt homines quasi serui, qui vi imperio obstricti, nolentes atque inuiti parere coguntur.

Tyrannis origo, tum ab occupatione imperij vi & fraude oppressi; tum a regie potestatis conuersione & degeneratione existit.

Cum enim nihil difficilius sit, quam recte imperare, & summum imperium homines plerumque efferatos efficiat, maximaque præbeat inuitamenta & opportunitates ad explendas cupiditates: principio reges vehementi quadam incitatione inflammati rei concupiscere adipiscende, paulatim a vir-

H tute

tute & probitate defiscere, & vniuersorum utilitatem negligere proprijsque commodis tantum consulere ceperunt; ita qui ante reges erant, & optimi publicæ salutis custodes habebantur, lucri cupiditate atque libidine tyranni effecti sunt.

De Aristocratia, vel optimatum imperio.

Cap. IV.



OPTIMATVM potestas, est paucorum ciuium optimorum in subiectos liberos populos, ciuium consensu delatum, & publicæ salutis causâ, virtute moderatum imperium: vnâ enim virtutem atque honestatem qui in hac Rep. rerum potiuntur, semper intueri, & eo omnia dirigere debent.

Quamobrem hac administratio, si bene constituta sit, optima (vt nomen ipsum indicat,) & satis firma ac stabilis est ad diuturnitatem.

Hac enim Resp., optimorum virorum summo consilio, atq; prudentia administratur, & iudiciorum equitate ciuium opes conseruantur, parique iure publicamunera ciuib; spectat. & virtutis distribuuntur.

Optimates, sunt pauci summi atque optimi ciues Reip. administratores, populorum approbatione constituti; quibus uirius & communis utilitas proposita est.

Optimos autem ciues intelligimus eos, qui nobilitate clari sunt, ciuilib; administrationis prudentes, & potissimum uirtute facile primi.

Eorum potestati subiecta est ea multitudo, quæ suapte natura apta est ad ferendum multorum imperantium dominatum, & quæ libere parere regi quæ uult ab ijs, qui sunt uirtute præstantes.

Optimatum uero potestatis origo, a Regni euerfione, Tyrannidisque resinctione deducta est: cum enim multitudo imperijs oppresseretur, nec suo iure libere fini posset; exactis regibus,

bus, tyrannisque expulsis, ex omnibus ciuibus paucos uirtute principes communis salutis caussa delegit, eosque ciuitatis administratores, libertatis custodes, & cuiusque rerum conseruatores constituit.

De Oligarchia, vel paucorum factione.

Cap. V.



QVEM ADMODVM optimatum administratio maxime salutaris est, atque preclara, si ordine ac iure constituta sit: ita nihil immanius esse potest, si in paucorum diuitum factionem deflectat; nam tyrannide eo deterior existit, quo in illa unus tantum subiectos imperij ui coercet; in hac uero plures tyranni potentes ac saeuientes in pauperum perniciem conspirant.

Vnde, cum iniusta sit huiusmodi potestas & prater naturam, nec utilis, aut laudabilis esse potest, nec admodum diuturna.

Est autem paucorum potestas, optimatum status deprauatio, ac iniustum paucorum nobilium & locupletum imperium, qui suis tantum commodis seruientes, populis tamquam seruis suo arbitratu atque libidine dominantur.

Ilanc uero perniciosam paucorum potestatem, hominum improbitas, lucri cupiditas, atque libido, & incontinentia inuexit; uel optimates induxere, ubi deprauari ceperunt.

Pauci enim atque admodum pauci regno potiti, honoribusque & gloria amplificati, cum statum & equabilem uita cursum diutius tenere possunt.

De Politia, vel Timocratia, seu Rep. Speciatim.
Cap. VI.



POLITIA, que communi omnium Rerump. nomine Resp. nuncupatur, rectus est dominatus uniuersorum, vel populi maioris partis, qua ciuitatis administrationi optimis legibus praest, & omnia confert ad communem utilitatem.

Nam, sicuti in Aristocratia pauci optimi, vel ciuium minor pars, summum Reip. imperium tenet: ita in hac legitima multorum administratione, uniuersi, aut certe maior pars omnium ciuium in unum quasi corpus collecta, supremam obtinet potestatem.

Siquidem multitudinis nutu atque imperio leges feruntur & abrogantur, iura describuntur ac stabiliuntur, magistratus omnes deliguntur, eius consilio publica negotia geruntur, omnisque Resp. gubernatur.

Quapropter hac administratio optima & laudabilis est, si populo ac multitudini temperamentum adhibeatur, quo tenuiores cum principibus aequari se putent, in quo uno totius Reip. solus posita est.

Id autem est (unde etiam nomen inuenit) isonomia id est iuris aequalitas; qua ex omni populo magistratus ducantur, omnibusque pari ratione mandentur, & suum unicuique iudiciorum aequitate tribuatur, ut nec tenuioribus imbecillitas, & potentiorum vis & gratia, nec opulentioribus odium & inuidia ad sua tuenda sit impedimento.

Huic Reip. congruit id populi genus, quod ad rem bellicam aptum sit s. apte natura, & parere vicissimque imperare possit ex legibus & aequitate.

Finis & fundamentum popularis huius status, est publica utilitas & libertas; ius enim liberi populi, quod multitudo maxime querit atque exoptat, est vicissim parere atque praesse, & posse.

& posse viuere ut velit, vñ aut iure non repugnante.

Vnde huius studio impulsæ populi, post exactos paucos ciues locupletes & principes, qui malis domesticis impediti, inter se digladiabantur, & eorum tyrannico imperio deposito, quo nimium premebantur; omnem optimatum & paucorum potentium statum in Remp. popularem legibus moderatam permutarunt.

De Democratia, seu populari statu sine legibus.

Cap. VII.



POPULARIS potestas, est legitima Reip. mutatio in prauum nullisque salutaribus legibus temperatum imperium quamplurium tenuiorum, qui priuatam utilitatem atque licentiam spectantes, pro libidine dominantur.

Est enim pestifera suapte natura, & admodum parum diuturna gubernatio: quippe quæ in seditione & ad seditionem nata est, plebsq; imperita & concitata sine legibus dominatur, singulique in ea proprijs commodis & opibus augendis inserviunt; præterea omnes equaliter præse ac imperare volunt, non pro dignitate, sed pro cuiusque numero ac multitudine, omniaque effrenata licentia pessundant.

Et quoniam popularis & paucorum administrationes, inter se contraria esse videntur; ut paucorum potestas, genere, diuitijs, & disciplina desinitur: ita in populari statu, generis ignobilitas, paupertas, & illiberales artes maxime cernuntur.

Huius vero popularis potestatis primus ortus, a seditione, plebisque secessionibus inter arma ciuium procreatus est.



ACTENVS de simplicibus imperijs dictum est, nunc de mistis aliquid ordine subiiciendum videtur; nam quemadmodum in hisce inferioribus rebus perraro simplices rerū forme, sed plerumque concretæ cernuntur: ita pauca, admodumque pauca simplicia imperia & administrandi rationes inveniuntur; sed plerumque permistæ ad ciuium salutem & Reip. diuturnitatem sunt constitutæ.

Mista Resp., est ex simplicium administrationum diuersa permissione temperatum imperium, quod varium omnino ac multiplex esse potest;

Verum vniuerse *mista Resp.*, ex sinibus bonorum ac malorum, sicuti simplices, duorum sunt generum, alie bonæ & rectæ, quæ ex bene constitutis Rebusp. componuntur, ut Regno, Optimatum potestate, & Politia: alie prauæ, quæ ex contrarijs ac deprauatis constantur, ut tyrannide, paucorum factione, & statu populari.

Bonæ administrationes varie, multisque modis connectuntur pro varia optimarum simplicium Rerump. temperatione; ut ex regali & optimatum administratione permistum imperium, ut ex regio & populari, ut denique ex regio, optimatum, & legitimo populorum imperio complexa *Resp.*: eademque est ratio permissionis contrariarum administrationum.

Cum autem dicimus *Remp. permisceri* ex regno, ceterisque imperijs; non ita intelligendum est, quasi ex eodem omnino summo & integro Regis & reliquorum imperio coalescat: cum enim regia maiestas & summum imperium indiuiduum sit, distinguere & comisceri non potest; sed ex Principe componi, qui, tametsi non obtineat summam potestatem; tamen Regis personam sustinet, & eius quodammodo remissam, ac temperatam auctori-

auctoritatem habet; pariterque ex optimatum & legitima popularis temperato Reip. statu; ut ex duorum vel trium simplicium imperiorum temperatione, (quod etiā in naturali permissione cernitur) summum existit imperium, & una exoritur suis omnibus partibus absoluta Resp.

Quanam sit præstantior Respub.

Cap. IX.



*Q*UONIAM dicimus esse tria genera Rerump., que recte constitutæ sunt; simpliciter ac suapte natura ex his regium imperium ceteris præferendum videtur.

Est enim optimo ac præstantissimo imperio præpor. Dei simillimum, planeque diuinum, expressamque prouidæ Nature continet imitationem:

Attamen pro hominum, qui in ciuitate versantur, varietate, statu, dissimiliq; natura, institutione, & artibus, pro Urbis situ, celi clementia, regionis fertilitate, temporumq; ratione; varia varijs locis Rerump. genera congruere necesse est; ut personis, locis, atque temporibus imperij forma accommodata sit.

Verum vniuersæ ex tribus rectis simplicibusque Rebusp., optima ea videtur esse oportere, quæ ab optimis administratur, & Aristocratia dicitur.

Ex mixtis vero ea optima censetur atque præstantior, quæ ex tribus optimis imperijs regis, optimorum, & politiæ temperata sit; quam Polibius, & ante ipsum Herodotus antiquitatis parens induxit, & Stoici ac Cicero Zenonem secuti, ceteris omnibus anteponunt.

Atque huiusmodi est Venetorum Resp., quæ singulari Dei munere mihi parens & patria data est, cum Princeps vnus sublimis

L I B E R

sublimis & virtute præstans summum teneat in ciuitate principatum, ac regiam maiestatem pro se ferat; pauci, optimiq; Senatores consilio atque prudentia insignes, Optimatum auctoritatem obtineant; quamplurimi vero patricij ordinis, probiq; cines in comitijs collecti, legitimam popularium potestatem, ac Politiam constituere videantur.

Finis Libri Quarti.



M. ANTONII BRAGADENI,

PATRICII VENETI,

DE HOMINIS FELICITATE

Liber Quinctus.

DE PARTIBVS, ET CAVSSIS RERVM P.
ac primum

De Magistratibus vniuerſe. Cap. I.



*V*M lex, quæ est anima, vita, & con-
formatio optima cuiusq; Reip., genera-
tim feratur a legislatore, atque ipsa per
se viribus destituta sit, singularumque
rerum euentus, qui omnes comprehendi
non possunt, legibus longe plures existât;
parum emolumentum Reip. allatura erat,
nisi Magistratus accessisset, qui legem vniuerſe loquentem,
ad singulos rerum exitus accommodaret, & pro rebus, tempo-
re, locis atque personis moderaretur: deinde ei vim, auctori-
tatem, spiritumq; tribueret exequendo; vere enim ac sapienter
dictum est, magistratum esse legem loquentem; legem autem
mutum magistratum.

Magistratus autem proprie & vniuerſe, est publicum offi-
cium constituendi, conseruandiq; imperij causa, uni vel plu-
ribus ciuibus iniunctum, quibus a legislatore comissa est non-
nullis de rebus consultandi, vel iudicandi, vel imperandi
potestas.

LIBER

Pro cuiusq; vero simplicis, mistaq; Reip. institutis & ad ministrandi ratione, & pro magistratuum ac munerum varietate, vel omnes, vel aliqui ciues creant magistratus, & ex omnibus ciuibus omnes magistratus, vel quidam ex quibusdam, quidam ex omnibus deliguntur.

Modus autem creandorum magistratuum triplex est, suffragijs, sorte, & utroque, id est sortitione atq; suffragio.

Sed pro magistratus magnitudine, vel paruitate & Reip. forma, interdum expedit, ut altero modo, interdum utroque magistratus mandentur.

Verum vniuerse in deligendis magistratibus, semper in vnaquaque præclare constituta Rep. ciuium virtutis habenda est ratio: non enim census, atque diuitie, non generis nobilitas, non aura popularis ciues ad magistratus & honores; sed vna virtus in primis debet perducere.

Virtutem autem non intelligimus tantum vitæ ac morum integritatem; sed cum ea coniunctam ciuium facultatem & habilitatem quandam ad commode & utiliter magistratum gerendum.

Quæ tribus rebus præcipue continetur, ut scilicet ciues sciant, possint, & libenti animo velint suo fungi munere: quæ omnia, tametsi non facile est inuenire in vno ciue copulata; in quibus tamen hæc inchoata & magis inesse videntur, ijs iure optimo magistratus deferendi sunt.

Quare, ut paucis complectar, illi potissimum præficiantur, qui virtute in primis ornati singulis muneribus obeundis quæ maxime apti sint, qui legum morumq; ciuitatis scientiam teneant, & longo rerum usu periti sint, omnibusq; in rebus antiquissimam habeant Reip. salutem & utilitatem.

Ceterum pro loci, magistratusq; ratione, penes vnum magistratum interdum multarum rerum cura; interdum plurium; interdum paucarum auctoritas & potestas esse debet: nam alibi expedit magistratus esse magnos; alibi vero paruos.

Sed præstat vniuerse temperatam rerum maximarum potestatem.

testatem, & multis, quam amplam, & unitantum deferri; ne ij ui magistratus abutentes in Remp. conspirent.

Quot autem, & quam multi magistratus in Rep. constituen-
di sint: præterea an magistratus breui temporis spacio coar-
ctari, an diuturni, an perpetui esse debeant, simpliciter defini-
ri non potest.

Nam in magnis ciuitatibus fieri potest, & debet, ut unus
magistratus uni rei & officio præficiatur, ex multisq; ciuib; con-
stituatur: quoniam, cum multi ciues sint, fieri potest, ut
multi ad Remp. administrandam accedant; atque in ijs expe-
dit, magistratus non esse admodum diuturnos; sed plerosque
breui tempore distinctos, nec eosdem bis, aut sæpe eundem ge-
nere magistratum.

In paruis autem ciuitatibus, unus magistratus multis mu-
neribus præponatur, multiq; magistratus paucis ciuib; man-
dentur, necesse est; siquidem propter ciuium paucitatem &
penuriam, difficile est multos esse in magistratu, & nihil obstat
quominus magistratus diuturniores sint, & bis, aut sæpius ij dē
eodem magistratu fungantur: nam, cum iisdem fere magistra-
tibus egeāt parue ciuitates, ac magna, & ciues admodum pau-
ci sint; qui his rursus successuri sint, nulli erunt.

Magistratus autem pro cuiusque imperij forma, plures, vel
pauciores esse debent:

Sed vniuerse tria sunt genera, Senatus, Iudicia, & Magi-
stratus speciatim: Senatus, præcipuus est magistratus, quoniā
leges condit, in eoque totius Reip. forma cernitur: Iudicia &
magistratus, non sunt ita præcipui, sed ab illo principali pen-
dent, & vim ac potestatem accipiunt; atq; hæc tria magistra-
tuum genera tres Reipub. partes statuuntur, de quibus ordine
differemus.

De Senatu. Cap. II.



M N E S Resp., quæ recte constituta sunt, non ex una, sed ex multis partibus constant: tres autem sunt præcipue partes ad civitatem bene administrandam omnino necessariae, Senatus, Iudicia, & Magistratus speciatim; quæ si recte constituta sunt, optimum, ac diuturnum fore civitatis statum, necesse est: contra vero ijs male descriptis & vitatis, Remp. non longe ab interitu abesse, credendum est; Quapropter earum cuiusque, sapienti Rerump. & legum conditori summa habenda est ratio.

Senatus uniuerse, præcipua est Reip. pars, quæ in consultatione, et consilij capiendi deliberatione de communibus rebus occupata est, ut de bello & pace ineunda, vel dirimenda, de federibus feriendis, de iungenda societate, de inducijs paciscendis, de condendis legibus vel abrogandis, & alijs eius generis.

Huiusmodi vero consultandi & deliberandi facultatem, quæ primum habet in Rep. dominatum, & summum est prudentis civilis officium; præstat non omnibus, sed aliquibus de nonnullis rebus mandari, & quidem suffragijs potius, quam sortitione.

Iam Senatus duplex est, unus consultandi, alter deliberandi: prior curia consularis, vel consultorum collegium dicitur, quod est publicum officium ex viris sapientissimis atque consulis constitutum, qui communium rerum gerendarum, ut proposita, quæ antegressas consultationes appellare licet, instituunt, & quasi præiudicia faciunt; quæ ad Senatum postea deferuntur, & ab ijs, quorum est consilij capiendi deliberatio, vel tamquam salutaria approbantur & iubentur, vel tamquam inutilia & perniciofa reprobantur atq; rejiciuntur.

Posterior proprie Senatus nuncupatur, qui publicus est conventus plurium prudentissimorum virorum, qui suffragijs, vel

vel legitima alia ratione declarati, in excutiendo consilio, pendendisq; sententijs a consultoribus relatis, & in deliberando versantur.

Qui in consultatione occupantur, Græcis πρεσβυτοι, Latini consules, & ut ita dicam preconsultores dicuntur, vel νομοφύλακες, id est legum custodes; sunt enim ij viri consulti, plerunq; suffragijs delecti, ut legibus præsent; quorum peculiare munus, est de publicis rebus gerendis sententiam ferre: postea, quæ prius in curia consultando decreuerint, ad Senatum deferre, & ea, si opus sit, in concione agitare.

Illi vero, quorum est communis consilij capiendi potestas, proprie Senatores appellantur, eorumq; munus potissimum cernitur in apte ad ciuitatis vtilitatem deliberando de communibus rebus, quibus vniuerse Reip. salus continetur.

Atque hac sane deliberandi institutio maximum Reip. affert emolumentum; ita enim senatorius ordo sit consilij particeps, & prudentius ac salutaris P. C. de preconsultis deliberant, nec abrogare possunt Reip. leges ac instituta:

Siquidem hac ratione necessarium est, vel eadem Senatores, quæ a consultoribus & legum custodibus ad se relata fuerint, sciscere ac iubere; vel nihil alterutri delatæ sententiæ, & in concione agitata contrarium posse decernere.

De Iudicijs. Cap. III.



QVONIAM, dum singuli ius suum tueri & ab aliorum bonis sua internoscere volunt; sæpenumero inter eos controuersie nascuntur, & nefaria scelera consequuntur: propterea, ne excrecentibus controuersis, inimicitie ac simultates exorirentur, & ciues vindictæ cupiditate ducti, armis & cede Remp. exagitarent; sed tutus a vi atque iniuria quisque in civili societate uiueret: iudicia & iudices necessario instituti sunt; qui munus litium dirimendarum obirent, suum cuiq; tribuerent, publici criminum uindices

uindices essent, & ciues beneuolentia atque concordia reuererent.

Indicia, sunt precipua Reip. pars, & publica communis utilitatis causa uni, uel pluribus data suffragijs, uel alio modo, de priuatorum publicisque controuersijs ex legum & equitatis prescripto ius dicendi potestas.

Indiciorum duo sunt genera, quaedam priuata, quaedam publica, priuata, sunt publicum munus uni uel pluribus delatum suffragijs alioque modo, qui priuatorum ciuiles actiones, cuiusq; & uniuersorum utilitatis causa cognoscunt, & iuridicundo definiunt:

Publica, sunt publicum officium ob ciuitatis utilitatem uni uel pluribus delectis ciuibus commissum, qui crimina contra Remp. & singulos perpetrata exquirunt, indicant, & capitis uel alio supplicio ex legum & iuris precepto coercent.

Quae autem precipue in indicijs disceptationes uenire solent, sunt actiones ciuiles, & capitales, quae petitione & recusatione, uel accusatione & defensione potissimum agitantur, coram ijs, qui praesunt iuridicundo de capite ac fortunis.

Et quoniam in indicijs maximum omnino momentum possetur est ad totius Reip. moderationem & felicitatem: danda est opera diligenter, ut boni uiri potissimum eligantur, quorum probitas atque prudentia iamdiu multis in rebus spectata sit, quique suae ciuitatis legum scientiam compararint & didicerint consuetudinem indicandi; uel certe ij, quos longus rerum usus iudiciorum peritos ac prudentes effecerit.

Quapropter adolescentes, qui rerum usu & cognitione parum ualent, & animi perturbationibus saepe concitantur; indicandi munus recte & pro dignitate obire non possunt.

Eos autem, qui iuridicundo praefuturi sunt, precipuam operam nauare oportet, ut iuris equabilitate suum cuiq; tribuant, & ne tenuiores fraude circumuentos, potentiorum ui opprimi patiantur; neue in diuites odio, maleuolentia, & inuidia ducantur; sed mente, ratione, & aequalitate.

Quare

Quare indices omni cupiditate, & animi perturbatione spoliati sint; ne gratia, & odio, aliove animi motu a vero facile abducantur.

De Magistratibus speciatim. Cap. IV.



IORVM, qui ciuitatis administrationi præsunt, quidam in consilio dando & de communibus rebus deliberando, ut Senatores: quidam in priuatorum controuersiis dirimendis, delictisq; puniendis, ut Iudices; quidam postremo in Vrbe suo imperio moderanda & regione custodienda versantur, qui Magistratus speciatim dicuntur: quare cum de senatoribus & iudicibus hætenus dixerimus; nunc restat ut aliqua de magistratibus adijciamus.

Magistratus speciatim, est Reip. pars & publicum officium uni vel pluribus ciuibus commissum, quibus urbanorum prouincialiumque negotiorum moderatio, maximeque imperandi potestas data est.

Magistratus enim maxime proprium est imperare, idque magis vim eius & auctoritatem indicat.

Munus magistratus, præcipue in eo positum est, ut iubeat quæ lege præscribuntur, uetitaque prohibeat, ac suo imperio leges exequatur.

Magistratus varie sunt species, munera, & partes; quæ, cum satis longam tractationem requirant, de eis nunc dicere omitte-

mus.

..

DE CAUSSIS RERVM P.

ac primum de causis constituentibus

Remp. Cap. . . V.



MNES Rerump. causse, tripliciter diuiduntur, quadam enim sunt constituentes Remp., quadam mutantes, quadam postremo conseruantes.

Quae Remp. optime constituunt, duo praeipue sunt, ciuium & opum mediocritas, & leges.

Mediocritas, est ciuium nec admodum locupletum, nec valde egentium; sed opum moderata quadam abundantia affluentium temperatio, in qua optimus Reip. status positus est:

Cum enim ciuitas omnis ex tribus ciuium generibus constet, ex valde opulentis, ex valde egentibus, & ex mediocribus, & id quod mediocre est & medium; omnium consensione optimum sit: profecto medicrem rerum externarum abundantiam ciuibus optimam esse, & praeclare ciuitatem ex ciuium medicrium temperatione constitui, necesse est.

Ita enim cines optimam vitam viuunt, & legibus atq; rationi facillime obtemperant, et ex quam maxime paribus, quibus Resp. constare vult, ciuitas continetur: nam inter cines modo atque opum medicritate temperatos, nulla inuidia existit, nulla occultantur insidiae, nulla denique exoritur cupiditas alieni.

Legibus autem praeipue fundantur, stabiliunturq; ciuitates. Sed optimo legislatori summopere enitendum est, ut bonis aptisq; legibus initio ciuitas constituatur: quibus enim legibus initio Resp. temperata est, iisdem augetur, nititur, & omni tempore conseruatur.

Quare conditor legum atque Reip. ciuili scientia, & legum ferendarum peritia instructus esse debet: deinde illi cognoscenda est ea Resp. & administrandi ratio, quae cuique ciuitati, locis, personis atque temporibus aptissima sit: postea tenendae
sunt

sunt leges optime, & quæ ijs maxime congruant, qui in ciuitatem venerunt; sunt enim leges, quæ feruntur ad Remp. accommodande, non ad leges Resp.; siquidem eadem leges omnibus Rebusp. utiles esse non possunt, sed de his postea latius integro libro differemus.

DE CAUSSIS MUTANTIBVS, SEV De conuersionibus Rerump. Cap. VI.



LORENS & moderatus Reip. status, cum ob intestina bella; tum ob rerum humanarum varietatem instabilemque fortunam; raro vel nunquam verius diuturno tempore teneri, ac permanere potest: Quare quæ aliquandiu floruerunt Resp., tandem aliquando intereant, vel immutentur, necesse est.

Omnium autem Rerump. obitus atque mutatio duplex est, una naturalis, cum Resp. vetustate & senectute confecta, sua pte grauitate occidunt; vel sponte nulla armorum vi se se alterius imperio dedunt atque subiiciunt: altera non naturalis, quæ duobus modis contingit, vel diuina vi, cum Dei iussu permissuue maxima quoque imperia momento ruunt & collabuntur, seu immutantur; vel humana vi ac necessitate, quæ extranea est, vel intestina; extranea, cum ciuitates & vrbes hostium armis obsesse & coacte, impetu & vi capiuntur; intestina cernitur in Rebusp., quæ popularibus morbis, & armis civilibus ac seditionibus infestantur.

Omnium autem mutationum Rerump. tres sunt præcipui modi, conuersio, intensio vel remissio, & immutatio. Conuersio, est vnius Reip. in aliam formam genere diuersam mutatio, ut cum status popularis, in Remp., vel optimatum, vel vnius imperium vertitur, vel contra: Intensio, vel remissio, est cum idem Reip. status & constitutio retinetur, sed Reip. ratio augetur, vel imminuitur, veluti si Democratia fiat magis minusue popularis; Immutatio, est saluo atque retento instituta

K Reip.

Reip. statu, alicuius Reip. partis variatio, ut si magistratus aliquis nouus constituatur, aut vetus auferatur.

Ac uniuerse Resp., quæ mutationes patiuntur, interdum in meliorem statum; interdum in deterioremi mutantur. Nunc ad conuersionum causas transeamus; nobis enim hoc loco de conuersionibus tantum agere constitutum est.

DE CAUSSIS CONVERSIONVM, VEL De seditionibus Rerump. Cap. VII.



CONVERSIONVM omnium Rerump. præcipua causa seditio existimatur, quæ nihil aliud est, quam exitiosa ciuiliū discordiarum ex honoris lucrique; inæqualitate exorta, et æqualitatis cõstituenda causa a ciuibus exagitata cõcitatio.

Semper enim in omni Rep. ius æquabile quæsitum est, omnesque ciues pares esse, & in omnium ciuiliū rerum communione uenire uolunt: cum autem, non pro suo quisque iure, uel opione tantum in Rep. obtinet, & minus se habere existimat; tum seditionibus ciuitatem exagitat.

Tria uero sunt ciuium genera, qui totidem ob causas, seditionem in ciuitate solent inducere: locupletes & egentes, ob lucri æqualitatem: nobiles & plebei, ob honorum parilem distributionem; potentes & inferiores subiecti, ob æquabilem uim & libertatem.

Omnes enim in eo conueniunt, quod aſerunt ſeruandam eſſe æqualitatem; tamen in eo diſcrepant, quod plebei, inopes, & inferiores æqualitatem libertate, & uitæ ac rerum communione: opulenti uero diuitijs; nobiles generis nobilitate: potentes uero metiuntur:

Ita omnes aliquo iure nituntur, ſed a iuris abſoluti ueritate quamplurimum aberrant: nam obſcuro loco nati, tenues, & ſubiecti, cum ſint una in re pares, ut in libertate; omnium etiã publicorum munerum & commodorum æquales eſſe uolunt; nobiles

nobiles vero, locupletes, & potentes, cum sint una in re inaequales, ut diuitijs, nobilitate, & potentia; omnibus honoribus & commodis, maximeq; imperio excellere contendunt.

Sunt tamen boni, salutareſq; ciues, qui cum virtute praestent & plurimum distent ab improbis inutilibusq; ciuibus, iustissime seditiones concitare possent: maxime enim rationi consentaneum est, horum causſam tantum omnium simpliciter esse inaequalem ac meliorem, quod in quaque bene constituta Reip. seruetur; tamen seditiones aduersantur, quoniam ob eorum probitatem & integritatem, commune bonum proprijs commodis anteponunt.

Principia vero & causſae efficientes, vnde seditiones nascuntur, duorum sunt generum, quadam internae, quaedã externae.

Internae, quae sunt communissima initia & irritamenta ciuiliū discordiarum, sunt dissimilitudo & inaequalitas honoris & lucri.

Dispar enim condicio & omnis dissimilitudo dissidium, dissidium discordias, discordiae simultates, simultates factionem, factio seditiones in Rep. parere consuecre: maximum autem dissidium est virtutis & vitij, diuitiarum & paupertatis, potentiae & imbecillitatis, & nobilitatis ac generis obscuritatis.

Honoris vero & libertatis inaequalitas duobus modis seditionem facere solet, primum quando ciues cernunt plurimos iniuria florere honoribus, vnde ciues ad seditionem impellit alicuius nimia exuperantia potestatis, & auaritia atque improbitas: exuperantia quidem potestatis & incrementum iusto maius, cū aliqua ciuitatis pars supra alias praeter modum ac proportionem ornatur & augetur; vel vnus inter ciues, aut plures potentia, gratia, diuitiarum & amicorum copijs plurimum valent, ut periculum sit, ne Remp. occupent atque euertant:

Auaritia vero atque improbitas, cum magistratus improbi sunt, & quaestui habent magistratū, atq; Remp.; vel quādo magistratus ijs deferuntur, qui suffragia largitionibus corripūt.

Deinde cives seditionibus Remp. perturbant, quod se vel honoribus vacuos repelli ac iacere, vel iniuria affici vident; propterea metus, contemptus, contentio, & iniuria seditionis causa esse solet.

Timor quidem & conscientia scelerum, quoniam, qui iniuriam fecerunt, scelerum suorum conscij, seditionem commouent in ciuitate & in res nouas conspirant, veriti ne dent pœnas peccatorum suorum; & qui imminentem vim metuant, tumultuantur, ut iniuriam propulsent priusquam ullum pariantur incommodum:

Contemptus, ut si aliqui nullam partem in publicis muneribus habeant, & neglecti ceteris ciuibz despicantur sint:

Contentio vero & iniuria, cum cives hostili discordia digladiantur, & contumelys, atque iniurijs afficiuntur.

Lucri vero & bonorum externorum inequalitas, cuiusmodi est secunda fortuna, & opulencia diuitum, & calamitas pauperum, seditiones inuehit in ciuitates; quoniam pauperes, qui egestate premuntur, ceteros cives cernunt esse in summa bonorum affluentia:

Externe causæ sunt negligentia, parua occasiones, dissimilitudo nationum, locus & tempus; quæ vi aliena seditionem mutationemque Rerump. inducunt.

Negligentia, cum cives incuria ad summos magistratus peruenire sinunt eos, qui præsentem Reip. statum non amant, & rebus nouis summopere student:

Parua occasiones, quoniam seditiones nõ de re leui, sed ex re leui nascuntur; quæ plerunque initio latet atque contemnitur, & sensim serpit, atque ad extremum magna erumpit ciuitatis mutatio:

Dissimilitudo nationum, si aduena, & incole ex alijs ciuitatibus Reip. asciscantur:

Locus vero & tempus ciuitatibus seditionem afferunt, cū nec tempus opportunum, nec regionis situs, & loci natura sic munita & apta est, ut ibi una ciuitas instituat.

De modis conuerſionum Rerump.

Cap. VIII.



VT ATVR Reip. ſtatuſ præcipue duobuſ mo-
diſ, vi, & fraude; vi quidẽ ſeditioſi ciueſ Remp
euerſunt, cum iam inde ab initio, vel poſtea po-
puliſ neceſſitatẽ aſſerunt, ut eum Reip. ſtatuſ,
quem illi ſuo arbitratu ſtabiliunt, recipiant, &
ſeruent; fraude vero, cum dolo malo ciueſ decipiunt, mox
Remp. occupant.

Ceterum frauſ duplex eſt, altera ſimplex, altera vi iuncta:
Interdum enim Rerump. euerſoreſ, ubi ciueſ fallacibuſ con-
cluſiunculiſ initio in fraudem egerunt, eorum conſenſu Reip.
ſtatuſ immutant; poſtea iſ inuitiſ, vi Reip. principatuſ aſ-
ſumunt: interdum vero, cum initio perſuaſerint aliud utiliſ
inducenduſ eſſe genuſ adminiſtrationiſ; poſt iſſdem etiam ra-
tionibuſ captioſiſ adductiſ uolentiſ, & approbantiſ, in ci-
uitate ſummum imperiuſ obtinent.

DE CAUSSIſ CONSERVANTIB. REM.P. VEL

de optima partiuſ adminiſtratione, & cau-
tione adhibenda. Cap. IX.



VONIAM contraria curantur rebus contra-
riſ, & exitio ſaluſ contraria eſt; liquido apparet
earundem reruſ curatione, que interituſ aſ-
ſerunt, ſaluam atque incolumen fore ciuitatem.

Quattuor autem præcipue ſunt, quibuſ Reſp.
bene conſtituta ab interitu uindicatur & in optimo ſtatu ſer-
uatur, Adminiſtratio partiuſ, cautio diligens, ſeditionuſ
reſtinctio, & liberoruſ inſtitutio.

Primuſ igitur partiuſ adminiſtratio uel præclara publi-
coruſ muneruſ functio bene temperatiſ Rebuſſ. maximuſ
procul

procul dubio ad ciuitates conseruandas adfert adiumentum.

Quare, cum primum sit magistratum creatio, tum eorum administratio: danda est opera diligenter, ne alicui fiat iniuria in distribuendis honoribus & commodis; sed inter omnes equalitas quedam seruetur; deliganturq; in primis optimi ciues, aptiq; muneribus publicis, qui praeclare gerant magistratum, nec questui habeant Remp., providendumq; maxime est, ne quis supra modum honoribus ornetur & augeatur, ut iustā ciuitatis membrorum & partium proportionem excedat: praestat enim exiguos & aliquo temporis interuallo distinctos, vel etiam breui tempore definitos honores, quam celeriter omnes, magnosq; tribuere: qđ si forte aliquis oībus honoribus p̄ ceteris auctus & cumulatus sit, non sunt statim vniuersi, sed sensim ac paulatim auferendi, semperque ea ciuium pars, quae Remp. saluam, eoq; in statu permanere vult, adaugenda est, eiq; res gerendae & magistratus deferendi sunt; contraria seditiosorum, qui res nouas moliuntur, deprimenda.

Sed in administratione partium enitendum est, ut Senatores mala & pericula imminencia longe prospiciant, & salutare aliquod remedium statim adhibeant: Iudices caput a vi & insidijs eueantur, puniantq; facinorosos, & priuatorum fortunas ab iniuria potentiorum defendant, & hereditates non donationibus, sed cognationibus deferant; Magistratus autem utiliter administrent omnes Reip. partes, & amice ac humaniter cum multitudine se se gerant.

Malorum autem prouisio & statim adhibita cautio, praeclare constitutam Remp. stabilire potest: ea vero tribus in rebus praecipue cernitur.

Nam primum summopere cauendum est, nihil quicquam, ne minimum quidem contra leges fiat, & si qua res parua violata conspiciatur, statim praesidium adhibeatur: legum enim subobscura violatio principio nos fugit, tum pedetentim repit, & paulatim progrediens vires capit, postremo Rerump. mutationem atque euerisionem inducit:

Deinde

Deinde curandum est, ne ciues simulatis legibus decipiantur, & fallacijs, ac fraudis commentis ab opulentijs, potiundi cupiditate excogitatis, inducantur, vt presentem Reip. statum immutent:

Postremo maxime prouidendum est atque impediendum, ne quis supra modum præstet clientellis, potentia, & viribus, ac longe superet alios amicorū, & pecuniarum copijs; ne in Remp. insidias machinetur.

De seditionum restinctione, & optima liberorum institutione. Cap. X.



QVEMADMODVM seditiones sunt præcipue in causa, cur Resp. funditus evertantur, & ciuium male instituta, & a pueris susceptæ vitæ rationes, maximas plerunq; mutationes afferunt ciuitatibus; ita illis restinctis, ijs vero bene institutis, statum Reip. fir- mum ac diuturnum fore perspicuum est.

Dirimuntur autem seditiones, si antequam nascantur, longe prospiciantur; quare principijs, lenibusq; rebus, ex quibus solent existere, obstandum est; non enim parua de re, sed ex paruis erumpunt: post de magnis ciues tumultuantur, & cum a principio error existat, principiumq; totius dimidium sit; paruum etiam peccatum, in quod quis initio incidit, in alias etiam partes propagatur.

Paruæ quoque ciuium, præcipue potentiorum, contentiones atque discordiæ dirimendæ sunt: nam parua etiam simultates tum vel maxime vires capiunt, cum inter eos oriuntur, qui summam habent in Rep. potestatem: nobilium enim ac principum ciuium discordiæ secum multitudinem trahunt, & ciuitatem vniuersam seditionibus insciunt; legibusq; cauendum est, ne ciues inter se odia exerceant, pœnisq; persequendi sunt illi, qui discordijs operam nauant.

Quod si iam orta sint seditiones, statim remedium obijciendum

L I B E R

dum est, & ne longius serpent, cautio adhibenda est; Nam facile morbi recentes curantur, inueterati plerunque interitum afferunt.

Quare, qui Remp. administrant, omni studio curare debēt, ut seditiones quamprimum sedentur: iisdemq; maxime conandū est principum præsertim ac nobilium, qui præsunt multumq; possunt, odia & discordias initio dissoluere, & eos conciliare, populosq; concitados sedare, & amore ac beneuolentia pacatos atque concordēs retinere.

Maximum autem adiumentum ad Remp. conseruandam accedit, si ciues optime a pueris apteq; ad ciuis ciuitatis instituta educantur, & ab ineunte etate artibus liberalibus imbuantur, ac informentur ad ciuilem disciplinam, ut præclare & utiliter imperare, vicissimq; sine difficultate parere, & legibus obtemperare possint.

Finis Libri Quinti.



41

M. ANTONII
BRAGADENI.

PATRICII VENETI.

DE HOMINIS FELICITATE

Liber Sextus:

IN QVO

DE LEGIBVS DISPVTATVR.



De legum necessitate, & vtilitate. Cap. I.

DOSTQVAM supremus huius pulcher-
rimi Theatri Orbis terrarum fabricator
& auctor, hominem quasi epilogum re-
rum omnium creatarum efficere consti-
tuisset; ita eius commodis, dignitati, atq;
saluti consuluit; vt ei non modo statum ac
vitam cum ceteris animantibus com-
munem tribuerit; sed animum ex diuina mente delibatum, ce-
lestibus equalem inspirarit; sibiq; cum multis alijs rebus, tum
precipue regendi potestate similem effinxerit. Itaq; homo hu-
ius magnae Ciuitatis Dei ciuis constitutus est, vt recte ciuilem
societatem administrando, diuinam bonitatem ac providen-
tiam imitaretur, ad supremamq; felicitatem incunde perue-
niret: quod vt facilius consequeretur, ei non modo bene viuendi,
sed etiam recte administrandi rationem commonstrauit,
legibusq; in primis moderandam esse Remp. declarauit, cum

L

rerum

rerum vniuersitatem miro ordine formauit, aeternaq; lege distinxit. Sicuti enim diuinus ordo, sempiternaq; lex est ornamentum caelestium corporum, salus rerum natura constantium, Mundi deniq; vniuersi pulchritudo; ita mens & animus ciuitatis, decus, & lumen imperij in ordine & legibus positum est: ut sine ijs ciuitas bene constituta esse nulla possit: quemadmodum enim corpora nostra sine ordine inconcinna, & sine mente mortua existunt; ita ciuitas nullis temperata legibus, tamquam suo spiritu destituta, omnino deformis sit, suisq; partibus, & vita careat, necesse est. Propterea tum homini, tum in vnaquaque bene instituta Rep., leges omnino necessariae sunt: lege etenim prima est homini cum praepotenti Deo rationis societas atque similitudo; & legibus ciuitas primum coalescit, tum demum recte administratur, bonis denique omnibus cumulatur. Nam perbeata ciuitas omnium sapientum consensu, ea tum demum habenda est, in qua non singuli, aut pauci suo arbitratu & nutu imperant; sed tantum leges dominantur: cum tandiu vrbes late ac beate florent populis, abundant omnibus copijs, ciues maxima opum atque honorum affluentia inter se concorditer viuunt, in summaq; tranquillitate conquiescant; quandiu leges imperant, & firmæ ac ratæ habentur. Quare, cum tantum momenti ad felicitatem consequendam, & ad rectam institutionem Reipub. in legibus positum sit; ut perinde felix aut infelix, tum quisque, tum ciuitas omnis euadat, ut bonis malisue legibus instituta est:

profecto cum disputatione de hominis
felicitate, & Reip. admini-
stratione, necessa-

rio con-

iun-

genda est legum cognitio atque
tractatio.

DE LEGIBVS VNIVERSE; AC PRIMVM
Quid, & quotuplex sit lex. Cap. II.



EX generatim ac vniverse, nihil aliud est, quam ordo a prudentia constitutus, qui rectam continet administrandi rationem, & legi subiectos cōsentaneis destinatis dirigit ad optimum finem.

Eius tria sunt genera, quorum vnum diuinam, alterum naturalem, postremum humanam legem complectitur.

Diuina, quæ lex summi boni & providentiæ Platoni dicitur, est sempiterna diuina providentiæ ratio, ceterarum omnium legum principium, atque exemplar.

Naturalis, seu mouens, eadem est cum lege caelesti, quæ factum a diuino Platone nuncupatur, earumque solum diuersa est ratio.

Humana vero, quæ naturalis prudentia appellatur, ex hominis prudentia proficiscitur, & diuinam ac naturæ legem iubendo vetandoque imitatur.

De lege diuina, atque æterna. Cap. III.



VM omnis humana lex ab æterna præpot. Dei lege, tamquam ex vberissimo fonte primum perfecta, ad homines permanarit; alte legum humanarum, et a capite sunt nobis repetenda primordia, vt earum facilius explicetur natura; Itaq; instituendarum ciuiliū legum ab illa summa lege sumemus exordium, quæ ex omni eternitate orta est cum mente diuina.

Lex igitur sempiterna, est immutabilis omnium rerum a Deo constitutus ordo & moderatio, qua singula pro cuiusq; natura ad fines suos diriguntur.

Sed, vt ad hominem refertur, est humanarum actionū sum-

ma diuine sapientie honesta iubentis, contrariaque vetantis ratio, ob Dei gloriam hominumque felicitatem ab ipsa Dei providentia ex eterno tempore constituta, que premia bene agentibus, suppliciaque delinquentibus statuit:

Atque hæc diuina lex homini præcipue necessaria fuit, ut cum in primis ad caelestem beatitudinem nature facultatem exsuperantem, ad quam homo natus singularique munere a Deo distinctus est, dirigeret: tum illi quid agendum, quidue cauendum ad supremam felicitatem consequendam sine ulla dubitatione constaret; nec modo eius actiones; sed latentes etiam cogitationes, quæ humana lege cohiberi non possunt, recta ratione ad virtutem informarentur.

Omnia tamen, quæ a præpot. Deo eterno verbo cõdita sunt, siue ea necessaria, siue fortuita sint (exceptis ijs, quæ ad naturam diuinam spectant) sempiternæ legi subiecta sunt.

Sicut enim Deus omnia, quæ in hac rerum pulchritudine cernuntur, ex nihilo admirabili sapientia condidit; ita eadem regit omnia, & rerum conditarum actiones, motiones, atque impulsus, quod summi sapientis est, moderatur:

Verum dissimili ratione bruta animalia, & homo diuinæ legi subiunguntur. Nam illa cæco nature impetu ab insito motuum principio agitantur, diuinæque providentiæ feruntur ad finem: hic vero, quia rationis est particeps, ductu rationis & cognitione, atque admonitu diuini iussus dirigitur ad summum bonum.

Huius enim æternæ legis perfectæ natura, quâvis nobis abdata sit, folique Deo ac beatis mentibus sit plene planeque perspecta: eius tamen vis, notio, & anticipatio quædam diuinitus cunctis hominibus insita est, nonnullis quidem maior & clarior; nonnullis vero minor & obscurior pro eius communicatione & lumine, quæ nos semper hortatur ad honesta, & auocat a peccatis & vitijs.

De lege naturæ.

Cap. IV.



QUAMVIS vniuersa, quæ extant in natura rerum, æterna lege gubernentur, ad suosq; fines pro cuiusq; rei natura ferantur; tamen soli homines concessu immortalis Dei, illius æternæ legis informatam notionem mente atq; ratione complectuntur, ut sibi met ipsis alijsq; possint consulere; ceteris vero animantibus rationis expertibus insitū est a natura se se mouendi principium, agendi patiendiq; facultas, & impetus quidam, quo ad id, quod adest se se accommodant, salutaria prosequuntur, fugiuntq; contraria, & ad suam perfectionē ducuntur; quem instinctum natura, ingeneratum nō modo mutis animantibus, sed homini quoq;, legē naturālē heteres appellarūt.

Est autem naturæ lex, vis atq; instinctus naturalibus rebus insitus a natura, qui suadet prosequenda esse bona sibi consentanea, fugiendaq; contraria, cunctaq; ad fines suos impellit.

Sed ea speciatim in homine, est liberum iudicium rerū agendarum ex innatis agendi principijs facile a ratione adhibita attentione collectum, quod recti amore & odio vitijs nos trahit ad bene viuendum.

Hæc aut naturæ lex, non est proprie & per se habitus, id est constans cum oportet agendi perfectio: neq; enim est id, quo aliquid agit ratio; sed potius iudicium quodam rōne constitutum.

De præceptis legis naturæ.

Cap. V.



TAMETSĪ plura numerentur legis naturæ præcepta, quæ pertinent ad rationem occupatam in agendo: tria nihilominus sunt eorum præcipua genera, ex hoc summo naturæ præcepto profecta, id est, Bonum esse prosequendū, malumq; fugiendum, & ex innatis hominum propensionibus appetitionibusq; collecta,

L I B E R

collecta; ad quæ cetera omnia facile reuocari possunt.

Primum igitur homines natura impulsu, bonum sibi consentaneum expetunt, malumq; refugiunt; quod rebus omnibus atque naturis commune est; ex quo existunt hæc naturæ præcepta, omne animal simul atq; est ortum, se ipsum diligere, incolumenq; esse velle, se, vitam & corpus tueri, & a quacumq; vi defendere: omnia, quæ ad viuendum necessaria sunt, inquirere & parare, & alia huiusmodi.

Deinde est hominis speciatim quedam naturalis boni appetitio, quæ conuenit cum ceteris animantibus, quibus id est a natura tributum & insitum, ut coniunctionis appetitus procreandi causa, sui salus, suq; in genere per propagationem conseruatio, cura eorum, quæ procreata sunt, amor in filios, educatio liberorum, & id genus alia:

Postremo natura trahuntur homines ad boni naturæ rationis compotis accommodati cupiditatem & studium: unde huiusmodi naturæ præscripta effluerunt; mentem humanam immortalis Dei innatam quandam habere anticipationem, perpetua teneri discendi cupiditate, trahiq; ad veri inuestigationem atque scientiam, pietatem & cultum Deo esse exhibendum, natos esse homines ad civilem societatem, honeste viuendum, suum unicuique tribuendum esse, & quæ nobis fieri nolumus, alteri ne facere velimus.

D E L E G E H V M A N A, ac primum de eius necessitate. Cap. VI.



1 *homo, ab immortalis Dei ad imaginem sui conditus, diuinisque muneribus auctus, eo in statu permansisset, in quo fuerat ab initio constitutus, & spreto diuino iussu in tot animi corporisque miseras sempiternasq; calamitates non incidisset; facile omnino insitas a Deo virtutes, naturæ probitatem, legem denique omnem diuini iuris atque naturæ, coluisset summa*

ma factorum, consiliorumq; constantia; ac probe tenuisset innatam expetendarum, fugiendarumq; rerum scientiam, & natura duce optimum vite cursum consicere potuisset; nec sane esset, quod quisquam doctrinam, legumq; disciplinam requireret, cum satis adiumenti ad bene beatq; viuendum habuisset perfecta ipsa natura.

Nunc, quoniam aliter accidit, & genus humanum lapsu primorum parentum valde vitiatum est; diuinam gratiam a primo ortu infusam amisimus, & rectæ voluntatis atq; rationis ordo & in Deū propensio deprauata est, qua pie, iusteq; vivebatur: tamen relicte sunt nobis primæ ille notionēs a natura ingenerate, vel potius diuinitus insite, quæ sunt veri ac falsi dydicandi, & boni ac mali indicantē conscientia discernendi rationes, virtutum & vitiorum atque actionum omnium origo; quarum ad præscriptum, si homo rationi consentaneas actiones, cogitationesq; suas, se denique totum formaret ac fingeret, & innata virtutum semina adollescere pateretur; rectam bene viuendi rationem com monstraret, & natura congruentem parerent illi felicitatem.

Sed, quoniam quæ nostris ingenijs inscuit natura uirtutum semina, usque a teneris annis male consuetudinis corrupeclis, prauisq; opinionibus ita obruimus, adeoq; statim in omni vitiorum prauitate versamur; ut neq; natura lumen, nec rectæ rationis splendor, nec ullum propemodum in nobis appareat humanitatis uestigium: ea de causa legum humanarum inuentio necessaria fuit, & potissimum ciuitatum moderatores ratione atq; uirtute præstantes ex innatis illis notitijs leges deducere, inbereque oportuit; ut supplicij metu cogente a malo & vitijs abstineremus, & premiorum spe, vitam naturæ atq; uirtuti consentaneam duceremus.

Quid sit lex humana, seu ciuilis. Cap. VII.

LEX humana, quæ ordo & anima Reip. dicitur, est recta subiectorum huiusmodi honestas actiones imperans, prohibensq; contrarias, & præmijs obtemperantibus, violatoribusque supplicijs constitutis, ad communem felicitatem dirigens, legislatoris prudentia cõdita insilio.

Est autem lex recta ratio, vel recta cum ratione ordinis constitutio; quia, cum lex humanarum actionum mensura quædam & regula sit, cuius præscripto homines ad bene beateque viuendum ducuntur; ciuilis societatis retinende causa nonnulla imperat, nonnulla vero prohibet; quod cum rationis sit proprium munus, lex quoq; maxime ad rationem pertineat necesse est.

DE CAUSSIS LEGVM CIVILIVM,
ac primum de materia. Cap. VIII.

SUBIECTA materia, in qua lex omnis humana versatur, sunt homines, aut potius humane actiones, quæ legum præscripto ad optimam Reip. finem dirigende sunt: hoc enim cuique legumlatori propositum est, ut iusta honestaque agenda imperet, prohibeatque contraria.

Verum, non ita intelligendum est, ut hominum actiones omnes legibus subiiciantur: neque enim artificum opera per se sub legis imperium cadunt; sed actiones illæ tantummodo, quæ in prauis optimisue moribus cernuntur, quibus homines probi, maliue sunt, & laudem aut vituperationem merentur.

Atque huiusmodi quidem actiones ad tria capita commode reuocari possunt; vel enim ad religionem & cultum immortalis Dei referuntur, ut illæ quibus diuinus cultus pie & rite non exhibetur, vel Christiana religio oppugnatur: uel ad cuiusq; vite rationem pertinent, cuiusmodi sunt illæ, quibus homines priuatum

natim turpem, obscenam & dissolutam vitam viuunt: vel denique civilem societatem spectant, veluti sunt ille, quibus iniuste cum ceteris agitur.

Ille autem in moribus posita actiones, cum duorum sint generum, quaedam interne solo animo & cogitatione conceptae, quaedam externae, non modo animo susceptae, sed ipso etiam opere perfectae, quae civili societati plurimum prodesse aut obesse solent; hoc postremum duntaxat actionum genus proprie & per se legibus subijci perspicuum est.

Nam sola cogitationes in civili hominum coetu, nec poena nec premio dignae censentur, nisi insigne damnum eas consequatur, & in aliquem redundet, vel alicuius sint perspicuae seclerum molitiones, & euidentibus signis patefacta consilia, ut conspirationes in Principem, patriae proditioes, cogitatae atq; incubatae necis & calamitatum machinationes, & huiusmodi aliae, quas, qui molitur, nisi obstaret impedimentum ad exitum, quo ad ipsum perduceret:


Quae vero penitus occulta sunt, legibus non subijciuntur: horum enim, cum quaedam soli iudici cognita sint atq; perspecta, ceteros autem lateant; quaedam vero omnibus ignota sint; neutra humana lege puniuntur; sed a Deo tantum, cui omnia perspicua sunt, poena, aut praemij compensantur.

Legibus autem praescribuntur illae tantum externae actiones, quae plerumque, & facile euenire solent: ceterae vero, quae raro contingunt, quoniam similitudine aliqua, aut equitate facile a iudice decerni possunt, a legislatore negliguntur; quibusdam tamen exceptis, quae speciatim prohibentur ob summam iacturam maximumq; detrimentum, quod civili societati essent allaturae, ut in Reip. coniurationes, patriae proditioes, parricidia, & si quae sunt eiusmodi aliae.

Quapropter ea, in quibus tamquam in subiecta materia civiles leges versantur, sunt oēs actiones externae in moribus positae, quae libere a subiectis populis, qui sunt consilij participes, contra singulorum & Reip. salutem ac utilitatem suscipiuntur.

Neque enim ratione vel usu rationis expertia, legibus ullis tenentur; cuiusmodi sunt bruta animantia, dementes homines, pueri & furiosi, qui neque consilij, nec mentis compotes sunt.

Legem civilem omnia vitia prohibere non posse. Cap. IX.



*Q*UONIAM populi maior pars, & civium plerique, quibus lex iniungitur, exiguo ingenio, vel certe imperfecta virtute pradi sunt, & malis moribus depravatisq; opinionibus imbuti, in omni fere semper prauitate versantur: propterea legis non est omnia vitia prohibere, quibus tantum viri probi vacant nullo legum metu; sed grauiora duntaxat, a quibus quamplurimi abstinere facile possint: atque ea in primis, que ceteris sunt detrimento, & humane vite societatem e medio tollere videntur:

Cetera vero leniora, quibus non nimis offendimur, plebi vitij proclini ignoscenda sunt.

Quemadmodum vero lex civilis, vniuersa vitiorum genera non prohibet; ita etiam nec actiones omnibus virtutibus consentaneis imperat; sed eas precipue, que statim, vel aliarum interiectione ad commune bonum diriguntur.

De forma legum civilium. Cap. X.



*F*ORMA legis, est recta gubernandi agendiq; ratio, vel civilis ordo rectam imperans agendi rationem: quemadmodum enim grauium, lenium, & neutrorum corporum ordo & constitutio, ob sui prestantiam & diuinitatem quandam, est forma legis natura & rerum vniuersitatis conformatio; ita ciuitatis ordo, & recta humanarum actionum ratio, forma atque ipsa natura civilium legum censenda est.

Hæc autem recta agendi ratio orium & originem ducit ab humana.

*humana prudentia, qua recta cum ratione quid bonum malum-
ve sit homini dyjudicat, quidve prosequendum aut fugiendum
ostendit: proxime vero & proprie ab ipsa lege existit, qua sta-
tim actiones nostrae perficiuntur.*

Cuiusmodi debeat esse humana lex. Cap. XI.



*RIA praecipue legi civili necessaria sunt, si legis
nomen ac vim re, non verbo tantum obtinere
debet, primum igitur religioni atque divino cul-
tui ea congruere necesse est, ut divinae legi, a qua
primum emanavit, similis sit: deinde discipline
convenire, ut naturae legem prae se ferat: postremo salutis pro-
spicere, ut communem spectet hominum utilitatem.*

*Atque haec sunt, quae maxime necessaria consentur ad opti-
mas salutareque leges condendas; quibus si careat lex, in bene
constituta Rep. non modo vim ullam obtinere non potest; sed ne
legis quidem nomine digna est.*

*Ceterum lex perspicua esse debet, & populari dicendi gene-
re ad vulgi intelligentiam accommodato conscripta; nullisque
ambiguis sententijs perplexa, ne animus iudicis a vero ab-
ducatur.*

Legem vniuersae ferendam esse. Cap. XII.



*EGES, ut omni tempore, in omniq; rerum &
hominum conditione civili societati multum ad-
iumenti afferre possint, nullo modo ad praesentem
rerum & temporum statum definiende & coar-
ctanda sunt; sed quamplurimos alios multaque
negotia ac temporum vicissitudinem prospicere debent: quod
fiet si non anguste, sed vniuersae ac generatim ferantur.*

*Communis enim civium utilitas, quo honesta lex omnis re-
fertur, ad quamplurimos spectat, & civitas ex multis homi-*

nibus constituitur, nec una aut paucis actionibus felicitas comparatur, nec una dies aut breue tempus hominem beatum efficit, sed virtutis habitu comparato, pluribus in omni aetate & vita perfecta probis actionibus, homines ad tantum bonum perueniunt: Resp. vero non ad exigui temporis spacium sed ad diuturnitatem instituitur, ciuiumq; propagatione multa secula conseruatur.

De legam ciuilium fine, officio, & instrumentis.

Cap. XIII.

LEGEM ciuilium finis, vniuerse duorum est generum, si enim spectetur id, cui lex affert adiumentum, sunt homines, qui in ciuili societate viuunt, Reges, Principes, atque Resp.: si vero intelligamus id, cuius causa condenda, & quo referenda sunt leges vniuerse, duplex exoritur finis, alter summus, qui Deus est, tamquam supremum bonum ciuitatum ac singulorum, & diuinus cultus, religionisque conseruatio: alter proprius ciuiliu legum, & ad beatam vitam perducens, qui est ciues in genere morum simpliciter bonus efficiere, seu commune bonum atque felicitas Reip., incolumitas populorum, singulorumque perfectio.

Legis officium, est ea proponere et iubere, quibus ciuiles hominum actiones ad virtutem, & ad optimum Reip. finem commodate diriguntur; quod lex praclare praestat iussa & honesta imperando, prohibendo contraria, leniora permittendo, delictaque puniendo.

Legum vero instrumenta & ministra, sunt poena & praemium, quibus qui nec virtutis studio, nec odio vitij ducuntur, nec omnino ratione mouentur; vel supplicij metu deterrentur a peccatis & vitij, auocantur, vel propositi praemij spe illlecti, ad bene iusteque vincendum impelluntur.

De muneribus legum ciuiliū. Cap. XIV.



QUATTOR sunt munera legum ciuiliū, quę scripto ſanciunt quod volunt, iubere, vetare, & punire.

Actiōes enim humane, quas lex ad virtutem apte inſtituere, & quibus ciues probos eſſicere debet, vel probę ſunt, vel prauę, vel quodammodo neutra, iubet ſi per ſe & in genere morum bonę ſunt, & virtutibus congruentes; quoniam lex eſt præſcriptum rationis modo quodam imperandi: ſi vero prauę exiſtunt, & virtuti perfectę diſſentaneę, uetat, punitq; illos, qui eas ſuſcipere conantur; nam, cum rationis proprium ſit, ut ab vno ad aliud progrediatur, ſicuti concluſioni principiorum vi & euidentia, aſſentiatur neceſſe eſt; ita ſupplicij metu populi a malis abſtinere coguntur: quod ſi actiōes promiſcue ſint, ut quę aliquantum boni ſunt, & mali participes, permittit, humaneq; ignoſcit imperfectioni; leniora enim mala ſunt, & parum detrimenti afferunt ciuili ſocietati.

Conſiderare vero, & premijs aſſicere, cum priuatis etiā ciuibus conueniat, non ſunt legum propria munera.

De cauſis efficiētibus, & effectibus legum ciuiliū. Cap. XV.



DVOBVS primum, tamquam principijs humane leges conſtituuntur, ordine & auctoritate, hæc a principe manat, qui legem ſubiectis populis ſibi ab immortalī Deo, a naturaque in homines impertito, ciuiumq; conſenſu confirmato imperio, iniungit: ille vero a præpotenti Deo, Naturæ, & Hominis prouidentia exoritur.

Deus enim cuncta, quę Mundi ambitu continentur, ſumma

L I B E R

ma sapientia virosq; ordine distinxit, & sempiterna lege perpetuo moderatur; quæ postea fuit ceterarum omnium legum exemplar, origo, & moderatrix. Ex quo uniuersi legumlatores alicui Deo leges acceptas retulerunt, ut Trismegistus Mercurio, Charondas Saturno, Minos & Rhadamanthus Ioui, Ilicurgus & Draco Minervæ, Moyses & Petrus vere uno trinoque DEO:

Natura vero, naturalium rerum insignem ordinem ac leges, quas Deus cunctis operibus suis impressit, veluti speculum atque exemplum ferendarum civilium legum homini ob oculos ponit, eique ad leges condendas, ad providendum, iubendumq; maximam elargitur facultatem:

Homo ad extremum & legislator prudentiæ & rectæ rationis vi, iubendique potestate, est proximus conditor legum civilium: est enim lex rectæ rationis sapientis animo intus latentis scripto expressa imago.

Effectus autem proprius atque præcipuus legum civilium, est ciues, quibus ipsæ imponuntur, viros simpliciter bonos, & legibus obediētes efficere: lex enim, cum sit præscri-

ptum rectæ rationis ob communem civium felici-

tatem a Principe constitutum, optimis mo-

ribus & consuetudine, qua virtus

comparatur, subiectos populos

ad virtutem perducit, quæ

tunc in eis cernitur,

cum principi

atque

gubernatori recte subiiciun-

tur & legibus pa-

rent.

∴

Quis possit legem condere, & quæ legislatori necessaria sint. Cap. XVI.



RI A sunt legumlatoribus maxime necessaria, ut leges Reip. salutare iure sancire possint, publica potestas seu imperium, sapientia, & vita ac morum integritas.

Nam cum hominum actiones dirigere ad communem felicitatem, non sit privatorum hominum munus; sed vel totius populi, vel eius certe, qui imperio praeest: propterea populus duntaxat univ ersus & Princeps, aut qui eius personam sustinet, iure obtinet legum ferendarum auctoritatem.

Adsit enim vis cogendi coercendique eos, qui leges violarint necesse est; quam privati homines nec habent, nec exerceant aequum est.

Nisi vero legislatoris sapientia, & recta ratione, sed temeritate atque libidine lex condita sit, tantum abest, ut vim & auctoritatem obtineat, cum divina & natura legi aduersetur; ut ne legis quidem nomine appellanda sit.

Quod si ab improbo legislatore iustae leges ferantur, apud imperitam & morosam multitudinem, vita ac morum legislatoris depravatio adimit, aut certe minuit legi vim & auctoritatem; cum eius ad exemplum, qui alios instituere propositur, potius, quam ad legis praescriptam subiecti populi plerunque formentur, ac dirigantur.

De legum promulgatione. Cap. XVII.



UONIAM lex constituitur tamquam regula, & mensura rerum agendarum; tum eam civili societati imponi censendum est, cum iniungitur, & quasi applicatur subiectis populis: hoc autem promulgatione maxime efficitur. Ita enim sit, ut lex ad omnium, qui adsunt,

adsent, quive absunt notitiam perueniat: deinde scripto editio, vel quasi per manus, maiorum sermonibus ad aliorum etiam aures & omnem posteritatem permanare possit; quare nisi lex promulgata sit, nullam coercendi vim habet.

DE LEGVM CIVILIVM VI, AC POTESTATE,
Leges humanas conscientiae crimini earum
violatores obligare. Cap. XVIII.



VMANAE leges, si aequabili iure constitutae sint, singulos Reip. ditioni subiectos, qui eas violare, aut corrumpere audent, non solum debita poena in eos constituta mulctare possunt; verum etiam in ijs, quae ad recte praeque factorum conscientiam pertinent, reos culpa queunt efficere.

Est enim honesta lex omnis, & recta suadente ratione condita, propago quaedam ex sempiterna lege decerpta; quae, quoniam diuinae legi consentanea imperat, aut prohibet; participatam etiam illius vim obtinere debet.

Quare, cum ab immortalis & prepot. Deo omnis imperandi potestas profecta, & diuino munere Principibus concessa sit, qui sacrosanctas Principum leges violat, admirabilem Dei ordinem, nexumque rerum peruertere, ac diuinae voluntati repugnare conatur: ex quo infensus Deo redditur, quamuis iustam iudiciorum & legum poenam effugiat.

DE LEGVM INTERPRETATIONE, SEV
de æquitate. Cap. XIX.



QVONIAM legumlatores vniuerse tantum leges ferre solent, nec omnino factum definiunt, & sepe incidunt tempora, quibus necessario a lege discedendum est, si pacatos populos, firmumque Reip. statum esse velimus; propterea opus est alio iure non scripto prae-

prætermisso a legis conditore, quo seueritatem legis mitiget iudex, & legislatoris sententiam interpretetur; hoc autem est æquitas, qua iuste aut iniuste facta bono & æquo ponderantur, quod Greci ἐκωνὴς vocant.

Igitur legi coniuncta esse debet æquitas, quæ nihil aliud est, quam benignior scriptæ legis interpretatio, quæ ex rectæ rationis iudicio seueritatem acerbiorẽ mitigat, & prudenter pro rerum, temporum, loci, hominumque ratione, communi utilitate moderatur.

Quare æquo & bono, quod est iuris legitimi, & generalis comprehensionis sine exceptione moderatio, factum venia dignum, per imprudentiam & fortuito commissum iudici perpendendum est, non ex lege iudicandum, nec legis verba, sed legislatoris mens & sententia spectanda.

Cum enim omnes leges ciuiles ad salutem & commodum ciuitatis referendæ sint, eas ex communi ciuium utilitate, non autem scriptione interpretari oportet; quod etiam ipse legislator si adesset, proculdubio admoneret; quoniam summum ius, sæpe summa iniuria existit.

Verum, nisi temporis ratio, & præsens necessitas urgeat, seu res ambigua sit, nemini priuato fas est sibi præripere facultatem interpretandi quid sit ciuitati emolumento; sed consulendus est Princeps, cuius privilegio integrum sit ei a lege discedere.

Quod si adeo vis saluti immincat, ut ante maximi cruciatus perferendi, & summæ calamitates subeunda sint, quam potestas repetenda; annexam habet & quodammodo tacite dat ipsa lex potestatem discedendi a legis præscripto: uis enim atque necessitas soluta est omni lege.

De legum ciuiliū abrogatione, & mutatione.
Cap. XX.

A M E T S I lex omnis suapte natura immutabilis sit atque aeterna, & quæ variæ sunt, vel ad quoddam tempus scriptæ leges; populariter magis, quam vere legis nomine appellentur; tamen, cum lex rationis quædam sit norma, qua hominum dissimiles actiones diriguntur, tum ob rationis, tum ob actionum humanarum variam, mutabilemque naturam, etiamsi iusta sit, pro loco, tempore, hominumque ingenijs, interdum iurè commutari potest.

Ita enim natura comparatum est, ut quemadmodum artes, atque scientiæ humano ingenio inuenta ab humilioribus orta principijs, progressionibusque usæ & auctæ, paulatim perficiantur: nihil enim simul ortum atque inuentum, statim perfectum est; ita rationis splendor, & vis quotidie augeatur, & virtus, cognitioque præsertim atque prudentia, temporis diuturnitate & longo rerum usu adolescat, confirmetur, atque absoluitur.

Cum autem variæ sit unoquoque tempore ciuium & rerum condicio, dispares mores, & dissimiles hominum status; variæ quoque & diuersæ singulis ætatibus congruere & expedire perspicuum est.

Quare principia quidem legis immutabilia sunt, quæ vero ex principijs colliguntur, ob rationis, legisque ciuilis imperfectionem, rerum, ac temporum vicissitudinem, humanarumque actionum inconstantiam, sæpe numero variantur: unde legum etiam mutatio necessaria est.

At vero non semper abroganda lex est, quotiescunque melius quidquam occurrit; quoniam legis abrogatio suapte natura communi vilitati est detrimento: nam, quæ duo ad legum custodiam

modiam & observationem summum adferunt adiumentum, consuetudo & cogendi vis; ea legis abrogatione tolluntur.

Propterea, nisi tantundem commodi compensetur civili societati, quantum mali confertur, & maximum ac perspicuum emolumentum ex noua lege ad ciues redundet, vel nisi lex prior claram contineat inequalitatem ac detrimentum; nulla ratione lex vetus abolenda est.

De consuetudinis vi, & auctoritate :
Consuetudinem vim legis obtinere pos-
se. Cap. XXI.



*NON modo legislator, sed etiam diuturna popu-
lorum consuetudo scriptas leges confirmare, in-
terpretari, abolere, & ius nouum inducere po-
test, quod vim legis obtineat.*

*Habet enim ipsa consuetudo legislatoris men-
tem, & voluntatem explicandi facultatem; quoniam, quem-
admodum animi sensa oratione rationis interprete, patefiunt;
ita ratio legislatoris atque voluntas, ex quibus leges profici-
scuntur, factis, crebrisque actionibus consulto susceptis ex-
primitur.*

*Est autem civilis consuetudo, ius non scriptum, aequitatem
& legis vim continens, diuturnis moribus populi & recta ra-
tione in ciuitate inuectum.*

*Ad hanc consuetudinem inducendam quattuor praecep-
ta necessaria sunt, primum, ut rationi consentanea sit; secus enim
corruptela potius, quam consuetudo censenda est: deinde, ut
prescripta sit, id est temporis diuturnitate, & ut communiter
decennio inueterata: postea, ut frequenti usu, & actionum cre-
britate confirmata sit, ex quibus tacitus populi consensus, &
approbatio colligi possit, & saltē bis ex ea aliquid actum, iudi-*

catumve sit: postremo, ut maior populi pars huiusmodi consuetudine usa sit, vel ex ea agendo, vel tacito consensu approbando; quorum si alterum desit, consuetudo vim legis amittit.

Ceterum in vnoquoque populo non eadem est consuetudinis ratio: nam si populus, cui lex iniungitur, liber solutusque sit; mos veteri consuetudine receptus, legibus antestat; plus enim momenti, ac ponderis situm est in consuetudine liberi populi, qui legem ferre, & latam abrogare ac interpretari potest; quam in Principis & legislatoris auctoritate, cum a libero populo, tamquam ex fonte omnis deriuetur Principis imperandi potestas:

Si vero populus legem ferre, & interpretari nequeat, nec scripta lex ciuium coniunctionem dirimat, aut afferat insigne detrimentum; consuetudo legem non abrogat, sed lex consuetudinem superat.

De solutione a legibus, quæ vulgo dispensatio dicitur. Cap. XXII.



QVONIAM multe in vita mutationes existunt, fierique potest, ut præceptum, quod populorum communitati accommodatum est, alicui priuatim quibusdam in rebus, locis, atque temporibus congruere nequeat; propterea ciuilis societatis retinenda causa, necessaria fuit legibus exolutio, seu a lege discedendi facultas.

Quæ nihil aliud est, quam communis utilitatis studio, alicui priuatim ex iusta causa, a principe concessa iuris communis relaxatio.

Nam ad Principem tantum, vel totius Reip. moderatorem pertinet iubere qua ratione vnumquodque commune præceptum a singulis seruandum sit: qui enim populum regendi potestatem habet; potest etiam iure communi & lege suæ auctoritati innixa quosdā exoluere, qui suæ ditioni subiecti sunt.

Verum,

Verum, non suo arbitratu tantum, & libidine; sed in primis ratione & causa cognitione, communique utilitate ductus, potestatem alicui faciat, qua legis vinculis relaxetur.

De legibus iniustis. Cap. XXIII.



NIVSTAE leges, vel potius legum everfiones, sunt perniciofa iuffa rerum agendarum absq; recta ratione & contra diuinum humanumq; bonum in populos a Principe quaestus vel libidinis causa constituta.

Dupliciter autem iniquae leges fieri possunt, vel quia aeterna legi omnino contrariae sunt; ut, quae populis a Tyrannis de falsis alienigenarum Dijs, adorandis leges imponuntur, quae nullo modo seruandae sunt: vel quoniam ab humano bono longissime absunt, commodisq; ciuitatis officiant.

Quod tripliciter potest contingere, primum ex fine, cum leges salutem atque utilitatem Reip. tamquam finem propositum non habent, nec legumlatores communis utilitatis causa; sed libidine lucrique cupiditate ad leges condendas impelluntur; deinde ex auctore & legislatore, si qui legum ferendarum vi ac potestate caret, legem ferat; vel qui obtinet facultatem, ea iubeat, quae maxime eius auctoritatem exuperent: postremo ex legum forma, nisi aquabiliter omnibus legislator eas imponat; sed odio, vel amore, gratiaue impulsus, cives inaequabili iure metiatur.

Quemadmodum igitur praecepta & instituta ciuitatum, quibus homines utiliter ac salutariter viuunt in civili communione, uere leges appellantur; ita quae perniciofa ad turpiter, iniusteque uiuendum populis iussa describuntur, potius legum corruptela, & ciuitatum pestes atq; interitus, quam leges nominandae sunt; cum a diuina lege, et iure naturae defectiones quaedam sint.

Quare,


Quare, si quæ huiusmodi leges interdum nuncupantur, populariter magis, quam re nomen & uim legis obtinent; non enim hominum conscientiam obligare possunt, nec cives ijs parere debent, nisi ex hoc plus mali ac detrimenti, quam boni consequeretur; ut si hoc plurimis esset offensionem, pareretq; in ciuitate concitationem: quorum euitandorum causa, præstat viro prudenti de suo quasi iure aliquantum concedere, quamuis diuina legis auxilio nitatur.

F I N I S.

Menda præcipua corrigenda.

Pag. 1. b. ver. 9. ac dicendum. 1. b. 29. degunt. 33. illi beatiore. 11. b. 4. discipli-
na. 17. 4. profuentia. 23. 19. obeunda. 29. 18. Tyranni. 23. vi imperij. 47. a. 12.
nam sicuti ratio, cuius proprium est ab vno ad aliud progredi, conclusioni.
cetera leuiora omittimus.





BIBL
SER
PO